



Aruba ta conoce di 8 morto den trafico



Pagina 5

- **Desde mei, cantidad di caso y hospitalisacion pa COVID a aumenta**

Pagina 2

- **Parlamentario Misha Raymond trahando pa hancra derecho di mucha den Constitucion**

Pagina 3

- **Gobierno: No ta contemplando pa hisa edad di pensioen**

Pagina 6

Venezuela a vota den eleccion presidencial historico



Pagina 10

Yiu homber di Ridouan Taghi extradita for di Emirato Arabe Uni pa Hulanda



Pagina 9

Philip Elhage no a logra su clasificacion pa final den Olimpiada na Paris



Pagina 13

WIN \$12,000

EVERY SATURDAY TILL NOVEMBER 16TH

For more information visit our Casino VIP Desk it will be our pleasure to assist you!

THE CASINO AT
THE RITZ-CARLTON
ARUBA

Desde mei, cantidad di caso y hospitalisacion pa COVID a aumenta

Manera DVG a informa mediante un comunicado di prensa algun dia atras, e casonan di COVID na Aruba ta aumentando un biaha mas. Bon Dia Aruba a tuma contacto cu Marleen Bakker di Dr. Horacio Oduber Hospital pa asina ricibi mas informacion tocante e aumento di e casonan.

A pesar cu aworaki COVID ta simplemente cay den e lista di enfermedadnan respiratorio infeccioso, e cantidad di caso cu ta aumentando tin un efecto riba tur e instancianan di cuidio medico na Aruba.

Bakker a indica cu desde luna di mei e casonan a cuminsa aumenta, cual tambe ta ripa- rabel den e cantidad di persona cu a ser interna na hospital. Desde luna di mei te cu luna di juli hospital a registra un total di 27 persona cu a ser hospitalisa pa motibo di e virus di COVID. Di e 27 persona aki, tres tabata adulto mayor riba 75 aña cu a keda



interna den Unidad di Cuido Intensivo (ICU).

Segun DVG ta informa, den e ultimo 5 siman cu a pasa, e aumento ta refleha cu un di cada tres persona cu a test a sali positivo pa COVID. Aunke ya desde 5 di mei 2023 oficialmente COVID no ta constitui un emergencia di salud publico di importancia internacional, e ta keda un virus di preocupacion, sobreto- do pa e grupo di persona mas vulnerabel den comunidad.

E gruponan aki ta ciudadano riba 60 aña, mucha bao di 2 aña, hende muhe na estado y ciudadanonan cu ta sufri di malesanan cronico of cu tin un sistema inmunologico debil.

DVG ta conseha e personanan aki evita contacto cu personanan malo y evita espacionan unda tin hopi persona. Medidanan importante manera laba man frecuentemente, evita mishi cu wowo, boca y nanishi cu bo man no laba y

semper laba man prome cu come tambe ta keda vigente.

Sintomanan di COVID ta inclui, entre otro, dolor di garganta, keintura, nanishi ta core, tosamento, curpa kibra of cansa, dificultad pa hala rosea.

Ta recomenda tur persona cu tin e sintomanan aki pa tuma contacto cu nan dokter di cas trempa pa monitor e situacion y tambe haci test di COVID pa seguridad. Den caso

cu esaki ta positivo, ta suplica e personanan contagia pa keda paden y evita contacto cu otro personanan pa asina evita propagacion di e virus. Ademas di aumento di casonan, un variante nobo tambe a keda detecta. Segun informacion, e variante aki ta menos peligroso, mas leve, den comparacion cu variantenan anterior. Pero a pesar di esaki, tur ciudadano mester tuma e medida- y precaucionnan necesario si test positivo.

Comunidad Venezolano a sali pa eherce nan derecho di voto den eleccion presidencial di nan pais

Ayera comunidad di Venezuela na Aruba a yega na e Consulado Venezolano pa asina eherce nan derecho di voto den eleccion presidencial pa e Republica di Venezuela. Un eleccion cu hopi controversia, pero cu alabes ta duna e Venezolanonan un speransa cu finalmente nan por conoce un cambio pa nan pais.

Yenny Castro, coordinador organisacional di e comando di campaña CONVZLA na Aruba, a splica Bon Dia Aruba cu e dia a transcuri basta bon. El a indica cu parti mainta nan haya hopi afluencia di



votadornan, pero despues di merdia esaki a baha hopi.

Pa loke ta e cantidad di votadornan cu por a eherce nan

derecho na Aruba, el a splica cu nan registro di personanan eligibel pa vota, esnan cu ta registra den e Consejo Nacional Electoral, tabata 1366.

El a remarca cu prome cu e proceso di registracion pa votadornan nobo pa e eleccion aki a cera, e cifra aki tabata na 1106, cual ta inclui personanan cu ya caba a yega di registra pa vota den eleccionnan presidencial den pasado y cu automaticamente ta keda registra den e registro electoral.

Pa e eleccion aki solamente 266 votador nobo a logra realisa e proceso di registracion. Cual Castro ta remarca ta un cifra hopi abou, compara cu e cantidad di ciudadanonan

Venezolano cu tin na Aruba. “Ta di lamenta pasobra e comunidad Venezolano ta grandi na Aruba, pero esaki no ta pasobra e hende no tabatin intencion di vota, e problema tabata cu nan a pone pa prome biaha den historia hopi obstaculo pa e registracion. Lamentablemente nos mester bisa cu e proceso aki no ta un proceso ni husto ni igualitario,” el a enfatisa.

El a informa cu pa merdia ainda tabata falta un 40% pa 50% di persona pa yega consulado pa vota.

Tin den cada mesa tin un testigo y den cada mesa tin un secretaria tambe pa vota.

Castro a sigui splica cu e proceso di votacion tabata

bastante simpel. Ora e persona yega na mesa nan tabata busca nan den e lista di registro electoral y despues tabata guianan di biaha con pa vota.

E mesa di votacion a cera 6or y pa loke ta especificamente e resultado di Aruba el a splica cu despues cu e prome resultado oficial di CNE sali, nan por cuminsa conta e scrutinio. Den e caso di e resultado total final, esaki ta depende con lihe of poco poco e proceso cana.

“E ta un proceso largo, door cu cada estado mester manda informacion. E ta un proceso cu en realidad no ta suppose di tarda tanto, pero den pasado nos ta mira cu banda di marduga ta haya e resultado,” el a indica.



Parlamentario Misha Raymond trahando riba ley pa hancra derecho di mucha den Constitucion di Aruba

Abuso di mucha ta un tema cu ta keda relevante na Aruba y lamentablemente ta uno cu aunke e ta un problema actual grandi, no semper e ta haya e atencion cu e merece. Tin biaha e ta bin dilanti solamente na momento cu casonan lamentable di abuso sucede y despues ta pasa atrobe pa background.

Den un entrevista cu parlamentario y lider di fraccion RAIZ, Misha Raymond, el a elabora riba kico ta bira e enfoca pa e proximo periodo despues di logra pasa e ley di logopedie y di e temanan cu e ta bay enfoca riba dje ta derechonan di mucha.

“Semper mi a bisa cu mi kier bringa pa posicion di nos muchanan den comunidad, locual tin hopi pa haci riba e area ey,” el a expresa.

Na momento cu el a drenta den parlamento, of den politica, un area cu el a enfoca riba dje tabata logopedie, cual, segun el a indica, tabata algo cu por a wordo realisa lihe pasobra e tabata regla caba den ley di AZV cu ta bisa cu LBHAM lo por habri logopedie den pakete basico.

Sinembargo e trayecto di ley aki, Raymond a remarca, a muestra con tin biaha procesonan ta cana poco poco na Aruba. “Tin biaha bo mester para fuerte y bringa pa cierto cosnan aunke kizas tin mas hende no ta compronde dicon bo ta bringa pa cierto cosnan. Mi ta kere ora ta trata mucha bo mester hacie cu urgencia,” el a resalta.

E parlamentario a indica cu ora cu procesonan tarda mas di loke ta necesario, es-



aki ta afecta e posibilidad cu muchanan por beneficia di e cambionan di ley, cu tal bes na e momento ey nan mester di dje cu urgencia.

“Muchanan no ta keda mucha pa semper. Si awe bo por yuda un mucha di cinco aña, pa ora e tin 10 e no por beneficia di locual bo tabata bringa pe na e momento ey. Pa mi esey ta hopi importante,” el a enfatisa.

Raymond a splica cu actualmente e ta trahando riba un ley pa cambia e Constitucion di Aruba pa inclui derechonan di mucha den e Constitucion. Pa esaki, el a indica, nan a pidi consejo di Universidad di Aruba y tam-

be di Universidad di Leiden cu ta traha cu e hoogleraar di derechonan di mucha na Hulanda.

E proceso na Universidad di Aruba keda cla caba y el a splica cu nan a haci Universidad di Aruba e pregunta si tin balor agrega, si tin sentido pa inclui derecho di mucha den e Constitucion di Aruba, mirando cu ya caba tin leynan cu ta atende cu derecho di mucha. E contesta cu nan a ricibi di Universidad di Aruba tabata si.

Ademas di esaki, el a agrega, Universidad di Aruba a yuda tambe cu informacion pa e memorie van toelichting, cual ta indica con ta splica e



articulonan cu a hinca den e ley, pakico ta hinca e articulon ey y kico e lo por nifica pa e grupo cu nan ta trahando e ley p’e.

Algo similar nan a pidi Universidad di Leiden, pero na Leiden nan ta bay haci esaki riba un escala mas grandi, mundial. E parlamentario a menciona cu nan a haya un consejo preliminar si caba for di Universidad di Leiden cu ta bisa cu si Aruba logra haci esaki, logra hancra derechonan di mucha den Constitucion, Aruba lo ta e prome den Reino pa tin derecho di mucha asina bon hancra, ni Hulanda tin esey. “Nan ta hopi entusiasmo pa wak con leu por yega cu esaki,” el a bisa.

Parlamentario Raymond a splica cu un di e articulon cu tin den e ley ta cu tur mucha tin derecho di no wordo abusa, fisicamente, emocionalmente, sexualmente, no ta importa ki forma e ta, e articulo ta bisa cu tur mucha tin derecho di no wordo abusa.

El a resalta cu si nan tin esey hancra den e Constitucion, esey ta bira nan derecho constitucional, esey ta ancla e posicion di mucha hopi miho pa loke ta debatenan di ley, pa loke ta debatenan di cosnan cu mester sucede, leynan cu mester cambia pa e muchanan, entre otro.

“Esey ta un proceso andando. Mi ta hopi emociona pa cuminsa bringa pe, sobretodo den parlamento, pasobra e parti tras di porta cera cu ta kico tur mester bin, cambionan etc., tur esey ta pasando, pero nos kier yega na e punto cu nos por hib’e den debate den parlamento,” el a enfatisa.

Den luna di juni e parlamentario a presenta algun cifra cu investigacion di Phd. can-

didata Clementia Eugene a revela pa loke ta trata abuso di mucha na Aruba.

Durante su presentacion na e Comision di Asuntonan Social di Parlamento, Sra. Eugene a resalta cu na Aruba 80% di mucha ta ser abusa fisicamente.

E investigacion tabata consisti di un encuesta digital cu a wordo realisa na un cantidad di 895 mucha entre e edadnan di 12 pa 17 aña. E edad medio tabata 14.5. E muchanan a ser selecta arbitrariamente entre 11 scol secundario (73 klas) y a representa tur distrito di Aruba y 77% di e muchanan ta di Aruba.

Algun di e resultadonan di e investigacion cu e parlamentario a presenta ta revela cu 80% di e muchanan a experencia abuso fisico; 62.2% di e muchanan a experencia abuso emocional; 49.1% di e muchanan a experencia abuso fisico severo; y 20.4% di e muchanan a experencia abuso sexual.

E cifranan aki ta realmente alarmante y por deduci cu esaki no ta inclui mucha- y hobennan cu no a participa cu lo por a experencia algun di abuso y mucha- y hobennan cu tin miedo di bin pa dilanti y vocifera cu nan ta of a yega di ta victima di algun tipo di abuso.



Strategia di turismo na Aruba enfoca riba Brazil

Despues cu a introduci un aerolinea di Brazil, GOL Airlines y cu intencion di expande den mercado Brasileiro, Autoridad di Turismo di Aruba, A.T.A. a tene diferente reunion na Brazil den luna di juli.

E delegacion di A.T.A., consistiendo di Ronella Croes CEO di A.T.A., Jordan Schlipken Croes A.T.A. Area Director LATAM, Jo-Anne Meaux-Arends, Aviation Business Development Executive di AAA, y Carlos Barbosa di A.T.A. Brasil.

Segun A.T.A. a informa den un comunicado di prensa, pa e periodo actual (YTD) juni 2024, e mercado Brasileiro a aumenta cu 33% compara cu e mesun periodo den 2023. Segun strategia di diversificacion y enfoca riba segmento di High Value, A.T.A. tin como meta pa aumenta e mercado Brasileiro

cu 40% den 2025 compara cu 2024. Loke ta trata e mercado general di Latino America, e meta ta pa amplifica e presencia di Aruba den paisnan di entre otro, Argentina, Brasil, Chile, y Peru.

Den esaki, ta premira cu e aerolinea Brasileiro lo hunga un papel crucial den logra e meta aki banda di conexi-
nan existente di Avianca cu vuelonan directo a traves di Bogota, Copa Airlines cu vuelo directo a traves di Panama, y LATAM Airlines cu vuelo directo via Lima.

Durante e siman, e delegacion a reuni cu esnan cu ta domina benta di biahe aki na Brazil. Mayoria ta socio existente y ta mira e potencial pa expande e mercado. Esakinan a inclui CVC Corp, Agaxtur, Orinter, BeFly, Viagens, AbreuTur, Decolar. Tambe a reuni cu Aeropuerto di Guarulhos y cu COPA Airlines cu a transporta 45% di esnan cu a bishita



di Brazil na aña 2023. COPA, A.T.A. y AAA lo sigui traha di cerca cu otro pa expande e mercado.

Puntonan di atencion den e reunionnan aki a inclui: strategia, actualisacion di e producto Aruba, colaboracion na termino corto y largo y kico ta beneficioso pa e isla.

Pa stimula e oportunidad di expande e mercado A.T.A. lo inverti mas den promocion general pa crea conscientisacion referente Aruba, lo inverti den e mercado conhuntamente cu GOL y lo traha mas di cerca cu esnan cu ta bende biahe den e mercado. Inversionnan den "advertising" lo subi mas cu 50% e aña aki compara cu 2023 y den aña 2025 compara cu 2023.

E luna aki, A.T.A. hunto cu Aruba Airport Authority a anuncia e introduccion di un vuelo directo entre Sao Paulo y Aruba, destacando e crecimiento den e mercado aki pa

turismo di Aruba.

Durante introduccion di e vuelo, Carlos Barbosa di A.T.A. Brasil a enfatisa y elabora riba e impacto positivo di vuelonan directo, e importancia di e ruta nobo aki, y e relacion di termino largo entre Brazil y Aruba. Brazil ta un di e mercadonan primario na Latino America pa Aruba, cu expectativa pa crece cu 40% na 2025, compara cu 2024.

Durante un discurso, Ronella Croes CEO di A.T.A. a enfoca riba e strategia pa cu atrae bishitantenan di "High Value", importancia di diversificacion den e contexto aki y cu esey crecimiento di mercado Brasileiro cu a conoce un crecimiento promedio anual di 14.7% entre 2011 cu 2023. Tambe a resalta e hecho cu e Brasileiro ta un di e mercadonan cu ta gasta mas na Aruba durante di nan vacacion y esaki entre otro ta haci di Brasil un mercado

clave. "Nos ta keda subraya e importancia di e mercado aki pa Aruba, cu ta conta cu un estadia promedio di 6,3 anochi. Segun estudio di VISA di 2023, e bishitante Brasileiro ta conta cu un patronchi di gasto di 843 dollar pa dia. Cual ta nifica cu Brazil ta bira e segundo mercado cu mas ta gasta na Aruba."

"Despues di 39 aña den e mercado, oficina di A.T.A. LATAM tin como meta pa Aruba bira e destinacion

preferi pa e bishitantenan Brasileiro", a añadi Jordan Schlipken Croes, Area Director di A.T.A. Latino

Tocante Aruba Tourism Authority (A.T.A.)

Desde 1 di januari 2011, Aruba Tourism Authority ta opera como un entidad 'Sui Generis'. Un organizacion independiente den e esfera publico. Aruba Tourism Authority ta fungi como 'Destination Marketing and Management Organization (DMMO)' y ta responsabel pa uni interes turistico entre socionan local e internacional. A.T.A. ta pone hopi enfasis riba e modelo di "High Value-Low Impact" cu ta para pa un balans entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuerzonan den linea segun e balanse menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.



Aruba ta duna presentacion riba maneho financiero na secretariado di CAft

Dia 28 di juli, Departamento di Finanzas a duna un presentacion riba e maneho financiero di Aruba na e secretariado di CAft. E presentacion a tuma lugar den presencia di Centrale Accountantsdienst (CAD)

hunto cu e Tijdelijke Werkorganisaties Aruba en Nederland (TWO) cu ta coordina a e progreso di e reformanan den cuadro di e Landspakket.

Segun un comunicado di gobi-

erno, e meta di e presentacion tabata pa informa CAFT di e trabaonan cu ta wordo haci pa na Aruba pa por mehora e maneho financiero di nos Pais. Durante e presentacion, CAft por a haya un bista di e ultimo desaroyonan y tambe a haya un bista mas detaya di e procesonan financiero cu lo wordo fortifica of reorganisa e tempo nos dilanti. Den cuadro di esaki por menciona cu ta trahando riba e implementacion di e modelo di '3-lines of defence,' cu ta un sistema di control cu lo mehora e control interno den e columna financiero di Pais Aruba.

Minister di Finanzas, Xiomara Maduro ta gradici e ehecutivonan di Departamento di Finanzas, CAft, TWO Aruba



y Hulanda, y tambe CAD pa e reunion frutifero aki na unda por a brinda un bista mas amplio riba e trabaonan necesario pa por mehora e maneho financiero di Aruba. "Nos Pais

ta recuperando y na un manera activo y cu rienda den propio man, nos ta traha pa sigui desaroya nos Pais su finanzas publico," tabata palabranan di Minister Maduro.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Aruba ta conoce di ocho morto den trafico



Cuerpo policial di Aruba a traves di un comunicado di prensa a informa di e lamentable suceso unda un persona di 31 aña di edad a perde su bida den un accidente di trafico fatal.

Segun cuerpo policial a informa, ayera diadomingo atardi, pa mas o menos 4:55, a central di polis a ser notifica

di un accidente riba Watty Vos Boulevard, na e rotonde di Ponton pa direccion Bush-iri.

Na momento cu e patruya a yega na e sitio, a bin haya un auto Chevrolet Spark color blanco, cu plach'i number A-40313. Aki e agentenan di polis a constata cu e chauffeur ya no tabata duna señal di bida mas.



Ambulance a presenta na e sitio unda e paramediconan a duna asistencia na e chauffeur pa yuda, pero ya na e momento ey no por a haci nada mas pa e persona.

Dokter forensico Dr. Voskuil a constata e morto di Jefferson Carrera Garcia, naci dia 20 di april 1993 na Venezuela, pues el a fayece cu 31 aña di edad.

Segun polis a informa, especialista di trafico a presenta na e sitio, y tambe polis tecnico. Slachtofferhulp tambe a presenta pa duna asistencia na famia di e fayecido.

Cuerpo Policial como tambe Bon Dia Aruba ta manda palabla di condolencia na famia y sernan keri di e fayecido.

Simon Waslander:

Futuro di energia na Aruba ta solar descentralisa y no biento

Den un evento quasi-positivo nos lo nota e Conferencia 'Community Development from Concept to Completion'. E meta y intencion ta echt sumamente positivo y pa elogia, tremendo iniciativa.

Pero cerca mi persona a surgi un par di pregunta basta cardinal cu mi ta spera lo haya contesta riba dje.

Na prome lugar, ta papia di inversionistanan internacional. Ta ki gruponan e inversionistanan aki ta? Mi por ta full mal informa pero di loke mi sa, mi no a wak ningun nota di representantenan di por ehempel Black-Rock, Investment Banks manera Goldman Sachs of ABN Amro, Pensioenfondsen grandi manera APF di Hulanda of Sovereign Wealth Funds di por ehempel Noruega of Singapur. Por wel ta cu tabatin representantenan di organonan halto presente. Mi lo kere pueblo lo kier sa ken esakinan ta.

Un otro pregunta hopi mas preocupante cu ta surgi cerca mi persona ta cu na e conferencia ta pusha 'Offshore Wind' versus 'Solar Decentralisa'. Mi persona por ta full fout, pero di loke ami ta nota di por ehempel rapportnan amplio di Investment Bank Lazard cu den caso di Aruba na nivel strategico di plaso



largo. Solar Decentralisa cu Mini-Grids lo ta e ruta mas beneficioso pa pueblo.

Esaki ta puro speculacion di mi persona, pero e concepto di Offshore Wind ta gewoon parce mi un metodo pa tene generacion di coriente centralisa cerca Utilities y Elmar.

Mi lo bisa e siguiente den placa chikito: "Dentro di 10 aña, Elmar N.V no lo tin bestaansrecht den su forma cu nos conoce awo."

Tur poging pa tene un organisacion bibo cu fundamentalmente no lo ta levensvatbaar den futuro cercano siguramente NO ta den beneficio di pueblo riba plaso largo strategico. Pasobra ta pueblo lo ta pagando pa tene Elmar riba life support artificial.

Un delaster punta, kico ta e Return-on-Investment proponi cu tur e proyecto positivo menciona lo tin? Pasobra mi ta sospecha cu banconan local y fondonan di pensioen local lo inverti tambe den esakinan. Dus ta indirect

spaarpot di pueblo lo wordo mobilisa. Cual no ta nada malo y ta algo positivo. Pero e lo mester bay den e miho proyectonan na beneficio di pueblo berdadero.


Pero kier nota cu e opzet y organisa e conferencia menciona ta uno hopi positivo y cu iniciativanan asina mester wordo stimula. Pero pueblo merece mas detaye si pa averigua tur cos.

Nota di redaccion

E conferencia 'Community & Development from Concept to Completion Summit'

tabata un actividad durante cual diferente instancia local a reuni cu expertonan Mericano pa un 'roundtable discussion,' manera minister di Transporte, Naturalesa, Integridad y Asuntonan di Adulto Mayor, Ursell Arends a splica riba su rednan social.

Segun e minister, e actividad aki ta parti di un programa di algun dia pa asina e actornan invita por cera conoci cu otro y mira unda por haya colaboracion pa beneficio mutuo. E minister alabes a comparti su deseo y speranza cu e conferencia aki por bolbe tuma lugar proximo aña na Aruba.



No ta contemplando pa hisa edad di pensioen

Segun palabracion cu Hulanda, na aña 2025 lo haci un estudio pa sa con fuerte e fondo di pensioen ta

Recientemente, gobierno di Aruba a traves di un comunicado di prensa a sigura cu no ta contemplando actualmente pa aumenta edad di pensioen, a pesar cu esaki tabata un exigencia di Hulanda relaciona cu prestamonan durante pandemia di Covid-19.

E Compromiso di Gabinete Wever-Croes ta pa garantisca cu e fondo di pensioen di biehes



di AOV ta solido. Pa esaki ya desde 2017 Gabinete Wever-Croes a haci tur posibel pa drecha e situacion financiero grave cu nos pais tabata aden, pa asina crea posibilidadnan pa futuro y pa fortifica nos fondo di pensioen.

Na aña 2020 ora Aruba a wordo confronta cu e pandemia, Covid 19, y pa por sobrevivi, Aruba mester a presta placa di Hulanda. E placa aki tabata necesario pa yuda henter comunidad, entre otro pa e subsidio di salario pa tur trahado y FASE pa esnan cu a perde trabou y pakete di cuminda pa esnan den necesidad.

Manera tur hende por corda, e fianza aki no a bin sin mas. Hulanda a bin cu exigencianan draconico pa presta Aruba placa durante pandemia. Un di e condicionnan tawata ta cu e edad di pensioen mester subi pa 66 of 67 aña.

Gobierno a negocia hopi largo riba e punto aki. Di un banda, Gobierno tabata tin mester di



e fianza pa por yuda nos ciudadanonan sobrevivi. Pero di otro banda Gobierno no kier a acepta e condicion di hisa edad di pensioen sin mas.

E ora gobierno a yega na e siguiente palabracion

Na aña 2025 lo haci un estudio pa mira (1) si e fondo di pensioen di AOV ta solido. Si e ta solido, no mester tuma ningun paso. (2) Si resulta cu e fondo NO ta solido, Aruba lo tuma e decisionnan necesario pa man-

tene e fondo solido. Pasobra si no, e fondo ta kibra y no por paga pensioen mas na pensionadonan cu a paga premies pa hopi aña.

Tin varios decision cu Gobierno por tuma si en caso e fondo ta existi esaki. Un di nan por ta aumento di e edad di pensioen. Un otro ta aumento di e premies, entre otro. Hecho ta cu na e momento aki Gobierno no ta contemplando pa hisa e edad di pensioen, y lo haci e

investigacion na 2025. Por lo tanto edad di pensioen no ta bay hisa awor manera algun hende ta sugeri. Lo haci investigacion prome y lo evalua tur alternativa prome cu hisa edad di pensioen.

Compromiso di Gabinete Wever-Croes ta pa garantisca cu e fondo di pensioen ta solido pa garantisca cu esnan cu awe ta traha y paga premie, tambe por gosa di e pensioen aki den futuro.

Entrante augustus 2024, tur mucha di klas 1 di scol basico lo siña lesa y skirbi na Papiamento



Manera ta conoci, den cuadro di Maneho di Idioma nobo, ta introduci oficialmente Alfabetisacion na Papiamento e aña escolar binidero. Esaki ta nifica cu desde aña escolar 2024-2025, e alumnonan di klas 1 di scol basico lo siña lesa y skirbi na Papiamento. Lo duna Hulandes cu un acercamento nobo cu ta pas mas den e contexto di nos muchanan.

En conexion cu esaki, a prepara tur docente di klas 1 y

cabesante di scol basico, unda cu nan a atende un curso di profesionalisacion, segun a informa den un comunicado di gobierno.

Durante e cursonan a trata e metanan nucleo di idioma y comunicacion, conocimiento di e material, didactica di idioma materno y didactica di idioma stranhero y dominio di Papiamento.

Ademas di esaki, a inverti alrededor di 1.2 miyon florin pa desaroya e materialnan nobo. A print e materialnan

na Hulanda, esakinan a yega Aruba y a reparti nan pa tur scol basico, segun e comunicado.

Minister di Educacion y Deporte, Endy Croes a subraya cu diferente estudio internacional hopi profundo cu a ser haci riba e topico aki, entre otro, rapport di World Bank di aña 2021, unda a yega na e conclusion cu den e prome añanan e alumno tin cu ricibi enseñansa den su idioma materno. E rapport di UNESCO di aña 2016 titula: "If you

don't understand, how can you learn?" tambe a trata e tema aki. Nos profesionalnan a haci uso di e rapportnan aki y realiza investigacion hopi profundo na Aruba y a yega na e mesun conclusion cu e rapportnan internacional. Pa e motibo aki nos a percura pa introduci Papiamento den klas 1 di scol basico aña escolar 2024-2025, e comunicado ta destaca.

"E vision ta pa den futuro Hulandes of un otro idioma e alumnonan lo ricibi nan como Idioma Stranhero "vreemde taal" y lo prepara e maestronan pa asina garan-

tisa cu nos studentenan por prepara y ta exitoso den nan carera profesional pa por sirbi Pais Aruba.

Por ultimo, e mandatario di Enseñansa ta pidi cooperacion di tur docente, maestro y esnan den e veld di enseñansa. Alabes ta gradici Departamento di Enseñansa (DEA) y tur esnan cu a traha riba e proyecto aki. "Danki na e tereno di enseñansa, tur experto y "schoolbestuur" cu a pone hopi esfuerso y e compromiso pa hunto nos crusa e brug aki augustus proximo", Minister Endy Croes a finalisa.



Merca:

Minnesota ta prepara pa un entrada di pashentnan for di Iowa mientras prohibicion riba abortus ta tuma efecto

(AP)—Dunadonan di cuido y oficialnan publico di Minnesota ta preparando pa ricibi pashentnan biahando for di Iowa, unda un prohibicion riba mayoria abortus despues di aproximadamente seis luna di embarazo ta bay den efecto awe.

Diahuebs siman pasa, e Lt. Gov Peggy Flanagan di Minnesota a tuma un tour di e centro Whole Woman's Health of Minnesota, cual ta un clinica pa abortus NGO den e ciudad di Bloomington. El a expresa un aceptacion di residentenan di Iowa cu tabata buscando abortus



despues cu e restriccion den e estado tuma efecto.

Den pasado, abortus tabata legal te cu binti siman di embarazo na Iowa. Juli aña pasa, e legislatura republicano di e estado a aproba un prohibicion nobo riba e procedura despues di seis siman di embarazo, cual ta hopi biaha prome cu e hende muhe sa cu nan ta na estado. Tin excepcionnan limita den casonan di abuso sexual, abnormalidad di e fetus of ora e bida di e mama ta den peligro.

Sarah Trazler, un OB-GYN basa na Minnesota y e agente medico principal di Planned Parenthood den estadonan norte central, a bisa cu e ley di Iowa por tin efectonan den henter e region.

E Corte Supremo di Iowa a reitera na juni cu no tabatin ningun derecho constitucional pa un abortus den e estado y a ordena pa un paro riba e kitamento di e ley. E ordennan di e hues siman pasa a pone dia 29 di juli como e

promer dia di chercemento.

Den e pais, e acceso na abortus ta cambiando desde e decision di Corte Supremo nacional den e caso di Dobbs v. Jackson Women's Health Organization. Leynan a bay den efecto inmediatamente y a aproba restriccionnan nobo.

Den estadonan cu restriccionnan, e opcion principal pa abortus ta pa haya pildo via post of biahamento, aumentando e demanda den estadonan cu mas acceso.

Merca:

Metodo nobo pa test Alzheimer's por acelera tratamiento pa hopi pashent

(USATODAY)—E siman aki, investigadornan na e Alzheimer's Association International Conference lo reporta resultadonan for di un serie di estudionan evaluando e testnan di sanger nobo aki. Mientras cu test di sanger no a ser desplega ampliamente na clinicanan di memoria, un estudio nobo ta sugeri cu algun a ser proba corecto y por ser introduci mas amplio den setting medico.

Expertonan ta bisa cu un generacion nobo di test di sanger por reemplaza e scanan cerebral caro y spinal taps cu ta ser usa actualmente pa diagnostica e malesa neurologico. Diagnosis trempa tambe por provee acceso mas trempa pa medicanan aproba pa e Food and Drug Administration (FDA) pa trata Alzheimer's. E test nobo por tambe yuda investigadornan di medicina conduci pruebanan clinico mas eficiente pa asina evalua medicanan experimental diseña pa frena e malesa incurable cu ta afecta miyones hende.

"Nos sa cu test di sanger por posiblemente aumenta e exactitud di diagnosis trempa y maximalisa e oportunidad pa pashentnan haya acceso na posible tratamentonan pa Alzheimer's," segun dr. Rebecca Edelmayer, un director di participacion cientifico pa e Asociacion di Alzheimer's. "E tereno ta echt moviendo dilanti cu e uso di e tipo di testnan aki."

Pa diagnostica e malesa no ta simple. Un dokter mester examina un pashent y conduci testnan di memoria y pensamiento. Despues e dokter por

referi pashentnan na clinicanan di especialista pa haya PET scan y spinal tap pa asina detecta si e persona un aumento di proteina amiloide-beta, cual ta forma placa den e cerebro di pashentnan cu Alzheimer's.

Investigacion ta sugeri cu e test di sanger nobo por determina precisamente si un persona tin Alzheimer's. un estudio di mas cu 1,200 pashent cu señal di e malesa a descubri cu e test Precivity AD2, cual ta midi proporcion di e proteinan tau y amiloide-beta, a detecta e malesa mas frecuente compara cu dokternan.

Entre e dos gruponan grandi di pashent cu a bishita clinicanan di especialista of clinicanan di cuido primario, e test di Precivity a detecta precisamente 90 por ciento di caso, hasta entre pashentnan cu historianan medico complica incluyendo malesa renal, segun un estudio publica ayera den e Journal of the American Medical Association. Pa compara, specialistanan na e clinicanan di memoria a identifica 73 por ciento di caso y dokternan di cuido primario a diagnostica 63 por ciento di caso precisamente.

Expertonan a bisa cu nan ta curasha pa e descubrimiento cu testnan di sanger por mehora e exactitud di diagnosis den henter e spectrum di dokter, incluyendo specialistanan y dokternan di cuido primario. Hopi pashent no tin acceso na e clinicanan aki of testnan specialisa—manera un PET scan cu ta detecta visualmente e placan amiloide-beta of spinal tap pa asina colecta muestra di likido spinal.

De AFTA zoekt nieuwe collega's

Vacature

➤ (Senior) Onderzoeker

Vereist

➤ Een HBO/WO opleiding in een economische richting

Contact :

✉ info@afta.aw

☎ +297.280.0480

Wilt u als onderzoeker bij de AFTA aan de slag en voldoet u aan de gestelde eisen? Stuur dan uiterlijk 1 augustus 2024 uw motivatiebrief en bijbehorende curriculum vitae gericht aan dhr. E. Kross, MSc., info@afta.aw



Voor meer informatie over de functie kunt u onze website bezoeken:
<https://www.afta.aw/vacatures/>

Almere no kier ser yama “Amsterdam Bay Area”

(NLTimes) - **Amsterdam Bay Area pronto lo haya un nomber nobo. Segun e conseho di e ciudad, e Anglicismo lo disparce for di e nomber conoci y na luga lo ser referi como “Bay of Almere” do awo en adelante.**

Pa varios aña, hopi desaroyador a busca Amsterdam Bay area, e area alrededor di IJmeer. Den futuro, e espacio pa biba nobo lo ser crea aki. Ademas di IJburg, localisa na

e banda di Amsterdam, Almere Pampus tambe lo keda inclui.

Esaki ta duna e municipio di Almere e autoridad pa e nomber den futuro. Segun e conseho di e ciudad, “Amsterdam Bay Area” no ta zona Hulandes ni tampoco suficientemente local. E nomber ta crea un distancia na Almere. “como si Almere ta un tipo di area suburbio di Amsterdam,” Jeroen Dobber di Leefbaar Almere a conta.

Tambe e ta e persona cu a propone e cambio di nomber.

Alcalde Paul Tang, ken ta responsabel pa e desaroyo di Almere Pampus, ta compromete e rabia entre e residentenan di Almere. Sinembargo e ta enfatisa cu Almere no ta e unico luga cu ta haci uso di e termino aki. Nos por promove un nomber diferente cu nos partnernan, pero nos tin cu cautelosamente considera cua nomber lo pas,” el a splica Omroep Flevoland.



Estudio ta demostra cu teenager tin menos problema gastando placa



(NLTimes) - **Gasta placa ta haci dolor, pero menos ora cu bo ta un teenager y tin placa den bo cartera. Esaki ta e conclusion di DNB despues di investigacion. Segun e banco central, con hopi dolor gasta placa ta haci ta depende riba e persona su edad y metodo di pago.**

E estudio, publica pa revista di edconomia, a demostra cu adultonan ta sinti mas

fastioso ora cu nan mester gasta placa cash. Hobennan tin menos problema cu gasta placa cash.

E investigacion, cual a inclui 2,500 persona, no a haya un splicacion pa e facilidad cu cual e hobennan ta gasta placa. “Nos no sa exactamente dicon ap motibo cu nos no por a puntra e hobennan cu a participa den e estudio, pero nos tin sospecha fuerte cu esaki ta a causa cu nan a crece

cu creditnan y pantayanan y esaki ta hunga un rol,” DNB su investigadornan Marie-Claire Broekhoff y Carin van der Cruysen a bisa.

E balans di banco riba e aplicacion ta bisa hobennan hopi mas tocante con hopi nan tin compara cu loke tin den nan saco. “Ora nan paga cash, nada no ta cambia den nan balans riba pantaya, cual ta haci e gasto menos doloroso.”

Prome pareha di mesun sexo ta casa na Corsou



(NLTimes) - **Dos hende muhe a casa cu otro riba diasabra na Corsou pa prome biaha. Dia 12 di juli, Corte Supremo a declara cu parehanan di mesun sexo na Aruba y Corsou por casa cu efecto inmediato.**

Desde e decision aki, por lo menos 8 otro pareha a compromete na Corsou. Na Aruba, e lo tuma mas tempo pa

motibo cu e oficina di registro no tin espacio pa pareha nobo casa te cu october.

Dia 6 di december, 2022, Gemeenschappelijk Hof van Justitie van Aruba, Curaçao, Sint Maarten en van Bonaire, Sint Eustatius en Saba ya caba a declara cu parehanan di mesun sexo mester por casa na Aruba y corsou. E gobierno di ambos isla a entrega apelacion na cassacion contra

esaki. Sinembargo, e Corte Supremo a mantene e decision aki dos siman atras.

Corte Supremo su veredicto a ser ricibi di manera diferente den ambos pais. Na Aruba, mita ta na favor y e otro mita ta contra esaki segun Egmar Irausquin, secretario di Fundacion Orguyo Aruba, cual a campaña pa e legalisacion di matrimonio di mesun sexo. Segun Iraus-

quin, un parlamentario ta trahando riba proposicion di un referendum pa cambia esaki.

Varios Arubano cu antecedente religioso no ta di acuerdo cu e introduccion di matrimonio di mesun sexo, Irausquin a splica. Tambe tin un grupo cu ta rabia pa motibo cu nan ta kere cu e hues a pasa riba parlamento. “Sinembargo e reaccionnan negativo ta disminuyendo. Porta nan lo cuminsa aumenta atrobe ora cu hende cuminsa casa den october.”

Janice Tjon Sien Kie for di Human Rights Caribbean Foundation, cual ta campaña pa matrimonio di mesun sexo na Corsou, a reporta cu e decision tabatin un recepcion mixto na Corsou. Aki tambe, ta mas tanto personanan y partidonan politico cu antecedente religioso cu a papia contra e decision di Corte Supremo.

Un compania cu ta marca y print riba diferente mate-

rial, a ser pidi pa print riba glasnan di champagne pa e boda a nenga pa motibo cu e ta un boda cu dos persona di mesun sexo. Sinembargo, otro partido a ser funda segun Tjon Sien Kie. El a revela cu e proceso di aceptacion ta bayendo “paso pa paso” y cu e enfoke di su fundacion ta pa educa hende tocante e comunidad aki, por ehempel, cu un dia dedica na personanan cu ta transgenero.



Scheveningen por disparce a causa di nivelnan di lama cu ta subiendo

(NLTimes) - **Ademas di olanan di calor na Europa, cambio di clima tambe ta causando cu nivelnan di lama ta aumentando. Esaki por bira un problema pa Den Haag, cual ta localisa directamente banda di lama. Esaki tambe ta concerni e municipio, cual tin miedo cu si e nivel di awa sigui subi, Scheveningen no lo existi mas, NU.nl a reporta.**

E municipalidad di Den Haag ta altanto di e problema aki pa algun tempo. Den un crta diamars, alcalde Robert Barker a adverti cu e aumento den nivelnan di lama ta un fuente di preocupacion pa e epicentro politico di Hulanda. E municipio lo mester adapta na e situacion aki na algun momento y haya un solucion.

“Nos sa cu e proteccion no lo dura pa semper,” Barker a conta NU.nl. “E ta importante pa nos no ser sorprendi.”

Te ainda no ta cierto ki tempo exactamente Scheveningen



y resto di Den Haag lo disparce di e mapa a causa di e nivelnan di awa. Sinembargo, e instituto di meteo KNMI ta asumi cu e nivelnan lo aumenta cu 40 pa 80 centimeter pa fin di e siglo aki. Si nada no ser haci pa combati e cambio di clima pa e tempo aki y e planeta sigui bira cayente, e nivelnan di lama por aumenta cu varios meter den e proximo siglo.

Sinembargo, tin speranza aindapa Den Haag. Un estudio reciente a conclui cu Hulanda por permanece habitabel aunke cu e nivelnan di lama subi cu varios meter. Sinembargo, e medidanan di precaucion lo mester ser aplica awo. Den Haag ta mira u mes como pionero pa loke ta trata esaki, mirando cu e municipio ta usando e estudio pa determina con e ciudad mester cambia pa por permanece

habitabel den futuro, segun NU.nl.

E enfoke ta Scheveningen, e distrito di e ciudad mas pafó, cual ta localisa directamente banda di lama. Aunke e parti aki di Den Haag ta mas tanto proteha pa duinnan, alrededor di 3 kilometer di e area di costa no ta protegi. Aki, e proteccion ta bin for di un ‘hard sea dike’ y un ‘dike’ bao e boulevard. Segun e muni-

cipio, sinembargo, e dike aki no lo ta suficientemente safe pa mantene e awa fuera.

E municipalidad pa e motibo aki ta investigando si e creacion di duin mas halto ta un proteccion adecua pa Den Haag. E ciudad popular banda di lama lo disparce tras di e duin y e costa actual no lo existi mas.

E municipio di Den Haag kier desaroya posibel solucionnan durante e proximo año. Alcalde Barker a bisa cu e lo dialoga tocante e opcionnan cu e residentenan di ciudad pronto. “Ya caba nos a mira cu tin mas y mas inundacion na Scheveningen durante tormenta den añanan recien,” e alcalde a declara. Segun su persona, e ta demostra cu tin necesidad di un vision di termino largo pa preveni cu e problemanan aki lo bira pio. “Nos mester haci algo pa segura cu nos no lo bira un ciudad den lama.”

Yiu homber di Ridouan Taghi extradita for di Emirato Arabe Uni pa Hulanda

(NLTimes) - **E yiu homber di 23 año di Marengo su sospechoso principal, Ridouan Taghi, a ser transferi for di Emirato Arabe Uni (UAE) pa Hulanda riba diabierna, vocero di Ministerio Publico (OM) a confirma despues di rapport di De Telegraaf y AD.**

Faissal a ser deteni den augustus di 2023 bao peticion di Hulanda, despues di cual UAE a dicidi di extradita su

persona. E ta sospecha di participa den organisacion criminal cu ta involucra den trafico di droga internacional, labamento di placa y prepara crimen violento. Hulanda tin tratado cu UAE riba asistencia legal den topiconan criminal y extradicion desde dia 1 di augustus año pasa.

Su tata a ser deteni na Dubai pa fin di año 2019 y a ser manda Hulanda poco despues di su detencion. Den februari,

hues a impone un sentencia di henter bida contra lider Ridouan Taghi y su complicenan Said R. y Mario R. den e caso Marengo.

Nan ta sentencia pa acusacionnan contra nan den caso cu ta trata 6 asesinato, 4 in-

tento di asesinato y plan pa asesina varios otro. Un apelacion awo ta pendiente den e caso aki.

Hunto cu Faissal T., un homber di 46 año cu ta busca pa trafico di droga internacional desde año 2022 a ser ex-

tradita riba diabierna. El a ser deteni na Abu Dhabi, capital di UAE, den november año pasa. Segun De Telegraaf, e ta trata Romeo van K.



Nos ta buskando un Maintenance Electrical Technician

- Senior Technical School (MTS-Level 4) Electrical or equivalent with >5-year work experience in household, commercial and industrial works
- Successful completion of accredited trade school or 5 years practical experience as an industrial electrician
- Possession of journeyman certification as an electrician is a plus.
- English required.
- Papiamentu required.

For more information or to apply please send an email :

daniela.duran@cargill.com

You can apply till the 2nd of August 2024

Venezuela: Colegionan electoral ta cera y ta cuminsa conteo cu expectativa maximo

(ElConfidencial/AP/CNN) – Pa 6or di atardi ora local, mas di 15mil colegio electoral rond di Venezuela a cera. Ayera diadomingo, Venezuela a dicidi den un eleccion historico si ta mantene Nicolas Maduro na poder of si ta duna victoria na e candidato di oposicion, Edmundo Gonzalez Urrutia, manera encuestanan ta pronostica.

Unabes cu e centronan electoral cera, e conteo ta cuminsa y e resultadonan ta bira conoci den proximo oranan, mientras ta suma e votonan cu a emiti den exterior na e total.

E jornada a transcuri di manera pacifico y cu normalidad, a pesar cu a reporta algun incidente puntual.

Segun Consejo Nacional Electoral (CNE), 95% di e mas di 15mil centro di votacion na Venezuela tabata den funcionamiento. Presidente di e organismo a critica Urrutia pa no compromete su mes na reconoce e resultado.

Maduro tabata un di e promenan pa eherce su derecho di voto, y el a compromete na reconoce e resultado electoral y respeta esaki. Maduro a invita e resto di e candidatonan pa haci mescos. Di su banda, Edmundo Gonzalez ta confia cu ehercito Venezolano lo laga respeta e resultado di eleccion cu ta andando.

Comentarionan di vicepresidente Kamala Harris
Vice-presidente Mericano y aspirante na e candidatura Demócrata den eleccion presidencial na su pais na november, Kamala Harris a expresa riba rednan social tocante eleccion na Venezuela. “Merca ta respalda pueblo di Venezuela cu a expresa su voz den eleccion presidencial historico di awe. Mester respeta



e boluntad di pueblo Venezolano. A pesar di e cantidad di desafio, nos ta bay sigui traha pa un futuro mas democratico, prospero y sigur pa pueblo di Venezuela,” el a bisa riba su cuenta oficial di X.

Centenares di Venezolano ta warda e resultadonan di eleccion na e Parque Jose Martí na Miami. A diferencia di eleccionnan den pasado, e Venezolanonan na Merca no por participa den e proceso di eleccion pasobra e consuladonan di e pais Sur Americano na Merca ta cera desde 2019, tempo cu gobierno di Maduro a duna e orden di clausura pa motibo cu Washington a reconoce Juan Guaidó, e tempo aya presidente di Asamblea Nacional, como presidente interino di Venezuela.

Congresista Republicano, Maria Elvira Salazar, den un conferencia di prensa for di e sitio a bisa cu gobierno Mericano ta monitoriando e eleccion di cerca, y cu si presidente Nicolas Maduro no reconoce e resultado, e lo enfrente san-

cionnan di nobo.

Varios Venezolano den sur di Florida a bisa cu nan a haci contribucion economico pa nan familiarnan y amigo na Venezuela por paga combustible y transporte pa por asisti na e centronan di votacion.

Maria Corina Machado: “Esaki ta e momento decisivo”

Lider di oposicion Venezolano tabata yen di optimismo mientras el a urgi autoridadnan pa duna orden pa clausura di e centronan di votacion cu a keda habri mas cu un ora despues di e deadline pa e conteo di voto cuminsa.

“Esaki ta e momento decisivo,” Maria Corina Machado, banda di candidato presidencial Edmundo Gonzalez, a bisa na e sede di su campaña.

Machado tabata cauteloso pa no grita victoria prome cu un anuncio oficial, pero el a bisa cu ya el a ricibi copia di algun acta oficial di votacion y nan ta indica un asisencia record.

Gonzalez tabata similarmente entusiasma, felicitando e Venezolanonan riba e dia “historico” y urgiendo su sostenedornan pa “celebra na paz.” Ambos a haci un yamado pa representantenan di campaña keda na e centronan di votacion pa evita cualkier irregularidad na momento cu e conteo di voto cuminsa.

Esaki despues cu ex-legislador Delsa Solorzano, representante di coalicion di oposicion, Plataforma Unitaria, a bisa cu autoridadnan a blokea su entrada na Consejo Nacional Electoral a pesar di su acreditacion. Nan tambe a blokea otro dos representante di coalicion.

Cumpleaños di Hugo Chavez

Autoridadnan a programa eleccion ayera pa coincidi cu loke lo tabata e di 70 cumpleaños di ex-presidente Chavez – un ultimo esfuerso di e partido socialista den gobierno pa logra un bentaha den e bataya electoral fuerte. Den e bario 23 di Januari unda un mausoleo ta warda e restonan

di Chavez, sostenedornan a comparti un bolo celebrando e cumpleaños.

E ex-presidente y isquierdista venera a fayece di cancer na 2014, lagando Maduro como su heredero politico.

Maduro, 61, ta enfrentando un oposicion cu a logra uni tras di un solo candidato despues di años di division dentro di e partido y boycott di eleccion cu a caba cu nan ambicionnan pa derota e partido na gobierno.

E papeleta ayera tambe tin otro ocho candidato retando Maduro, pero solamente Gonzalez ta menasa e poder di Maduro.

Despues di vota, Maduro a bisa cu e lo reconoce e resultado di eleccion y a urgi tur otro candidato pa publicamente declara cu nan lo haci mescos. “Niun hende ta bay crea caos na Venezuela,” Maduro a bisa. “Mi ta reconoce y ta bay reconoce e referee electoral, e anuncianan oficial, y mi ta bay sigura cu nan ser reconoci.”

Desde cu e fayecido Hugo Chavez a pasa e mando di su revolucion Bolivariano na su discipulo 11 aña atras, Maduro a sobrevivir un litania casi imposible di menasa. Nan ta varia di un atake cu drone y protestanan masivo tocante e collapse di e economia basa riba petroleo, te un investigacion criminal internacional pa abuso di derechonan humano y un bounty di \$15 milyon Mericano mara na acusacionnan di trafico di droga.

Pero e eleccion ayera a bin como su reto mas grandi te e fecha, un cu si e perde, por ta su ultimo bataya.



Minister Cubano di Transport ta reconoce fracaso den programa di recuperacion di caretera

(CiberCuba) - E minister di Transport di Cuba, Eduardo Rodriguez Davila, a reconoce cu e programa di recuperacion di careteranan di e pais ta enfrenta dificultadnan serio y cu, a pesar di e esfuersonan, nan no a logra stop e deterioro di e red di careteranan nacional.

Durante e sesion recien di rindimento di cuenta na e Asamblea Nacional, e titular di e cartera a señala cu e falta di organisacion den e gestion di e presupuesto den moneda nacional, e insuficiencia di divisanan convertible pa e adkision di ekiponan, e inestabilidad den e asignacion y disponibilidad di combustible, y e problemanan cu e suministro di material, ta e causanan principal pa e atrasonan den e programa.

Segun e rapport presenta, na momento di e ciere di e prome semester, e avance tabata poco y no a logra contene e deterioro di e careteranan.



E ta menciona entre e causanan di e deficiencianan e produccion abou di 'Hormigon Asfaltico', debi na cu di e 25 plantanan cu ta produci esaki, 12 ta paralisa pa motibo di daño. E ehecucion di e plan di mescla di asphalt cayente ta 10.04% y di esun friu ta 14.32%, el a precisa.

El a reconoce tambe cu e

plan di mesclanan di asphalt pa aeropuerto, autopista y careteranan ta presenta un ehecucion hopi abou di loke ta programa. Particularmente e caretera Moa-Baracia no a registra ningun avance, Rodriguez Davila a bisa.

Tocante e reparacionnan di e careteranan y e eliminacion di e buraconan el a afirma cu solamente nan a ehecuta

e 22.3% di loke nan planifica y a pone 14.2% di e mescla di asphalt cayente; na mesun momento cu e reparacionnan chikito y capitalnan di brugnan tambe ta muestra atraso significativo.

E minister a expresa cu pa loke ta e reparacionnan di e desnivel di tereno pa facilita agricultura e plan di año 2024 ta di 1511.70 km, cu sola-

mente 538.10 km acumula, y e ehecucion ta apenas na 35%.

E ineficiencia estatal den e gestion y mantencion di e careteranan a contribui na un aumento di accidente pa motibo di e mal estado di e careteranan, e propio autoridadnan Cubano a reconoce.

E mal estado di e camindanan ta un factor determinante den varios accident di transito, poniendo den riesgo e bida di e conductor- y peatonnan. Año pasa varios motociclista a muri despues di cay den buraconan na La Habana y apenas algun siman atras un truck a bolter despues di cay den un webo di e caretera, pa solamente menciona algun ehempel.

E falta di recurso y e falta di organisacion den ehecucion di e plannan di mantencion ta refleha un gestion deficiente di parti di e gobierno.

ONU ta adverti deficit di 23 miyon di dollar den e sistema educativo di Haiti

(DiarioLibre) - No tin stoel, falta borchí y baño. E scolnan di e capital y otro luganan na Haiti ta cayendo den otro na medida cu e violencia di gangnan ta empeora e pobreza y altera e servicionan basico di gobierno, mientras cu e sistema di educacion estatal ta enfrenta un deficit di 23 miyon di dollar.

"E pais mester di ayudo," Yasmine Sherif, director general di e fondo La Educacion No Puede Esperar, di ONU, pa educacion den casonan di crisis y emergencia, a bisa.

Diabierna, Sherif a anuncia un financiamiento di 2.5 miyon di dollar cu ta spera cu lo yuda casi 75 mil mucha a traves di transferencianan di cash, programanan di alimentacion escolar y otro iniciativanan.

Sherif tabata na Haiti como parti di un biahe di tres dia durante cual el a bishita scolnan y el a reuni cu maestro, director, funcionarionan estatal y miembronan di e sociedad civil. El a suplica e



Union Europeo y paisnan manera Francia y Merca pa yuda cera e deficit educativo, na mesun momento cu el a señala e impacto cu e violencia tin den educacion.

"Mi preocupacion principal ta e seguridad," el a bisa.

E gangnan a mata of herida

mas di 2.500 persona durante e prome tres luna di e año, y e violencia a perturba e bida den e capital, Port-au-Prince, y na otro lugarnan.

Por lo menos 919 scol ta permanece cera na Port-au-Prince y na e region central di Artibonite debi na e violencia di e gangnan. E cier-

enan aki a afecta mas di 150 mil estudiante, segun UNICEF.

"E educacion ta parti di e solucion," Sherif a bisa. "Esey lo por pone fin na e pobreza extremo y lo por crea estabilidad politico y un forsa laboral confiabel."

E violencia di e gruponan arma tambe a laga alrededor di 580 mil persona sin hogar na henter Haiti, y hopi di nan mester a yega na shelternan improvisa of a tuma e control di scolnan, loke a provoca nan ciere.

E scolnan cu ta sigui funciona ta haya nan mes obliga di acepta studiantenan di otro institucionnan cu a cera.

E scol Jean Marie Vincent den e centro di Port-au-Prince, por ehempel, a acepta alumnonan di por lo menos un decena di scol.

"Nos ta enfrentando problemanan enorme," su director, Charles Luckerno a bisa. "Nos no ta e unico,"

El a bisa cu ora cu e lesnan caba, e personanan a sin hogar debi na e violencia di gruponan arma ta yega scol y nan ta drumi den e patio.

"Esaki tambe ta crea problemanan di higiena hopi grave," Luckerno a bisa, ken, sinembargo, ta permiti nan keda. "Nos ta humano. Nos no por core nan."

A anuncia na Comic-Con cu 'Dexter' lo bolbe cu Michael C. Hall

(AP) – E universo di “Dexter” lo expande, cu tur hende su asesino den serie faborito lantando for di morto.

Comic-Con cu a tuma lugana San Diego, e ekipo di “Dexter” lidera pa Clyde Philips, a anuncia na e audiencia cu nan lo mira mas di e personahe den “Dexter: Resurrection,” un serie nobo pa Showtime. E lo sigui unda “Dexter: New Blood” a caba, cu e morto di e

personahe principal, lagando hopi fanatico pensando cu cualkier proximo temporada lo ta imposibel.

Michael C. Hall, ken a cuminsa interpreta e personahe den 2006, lo bolbe tuma e rol. El a sorprende e audiencia pa medio di presentana e panel, impactando e fanaticonan prome cu nan a tende di e noticia. Philips no a revela hopi detaye, pero di algun manera “Resurrection”

lo revive e personahe. E anuncio a bini durante e promocion di “Dexter: Original Sin”, un precuela cu ta explora e personahe como un homber mas hoben, interpreta pa Patrick Gibson.

“E fin di siman aki tabatin hopi sorpresa,” Gibson a bisa den un entrevista cu The Associated Press. “Nan a crea e personahenan den e prome temporada di un manera asina compleho



Celine Dion ta haci su regreso musical na Paris cu serenata na Eiffel Tower

(AP) – Celine Dion a haci su regresio triunfante diabierna cu un presentacion hopi publico; Clausurando e ceremonia di apertura di e Olimpiada na Paris desde Eiffel Tower.

Casi dos aña despues di revela su diagnosis di Stiff Person Syndrome, Dion a canta Edith Piaf su “Hymne à l’amour” (“Hymn to Love”) como e parti final di e spectaculo di 4 ora. Su presentacion a ser promociona pa varios siman sin embargo e representantenan di Dion y organisadornan no kier a confirma su presencia.

Riba un pagina dedica na



Dion su contribucion na e ceremonia di apertura, media a referi na un “celebridad mundial, un final grandioso.”

Dion tin desde aña 2020 ausente di escenario, ora cu e pandemia di coronavirus

a obliga pospone su tour na aña 2022. E tour aki eventualmente a keda suspendi a causa di su diagnosis.

E desorden neurologico aki poco comun ta causa dolor den su musculonan y ta pone



esaki duro, cual ta afecta Dion su habilidad di cana y canta. Den juni, na e premier di su documental “I Am: Celine Dion,” el a conta The Asso-

ciated Press cu su regreso a rekeri terapia, “tanto fisico, mental y emocional como vocal.”

Organisadornan di Olimpiada na Paris ta bisa cu nan no tabata kier falta respet cu tableau di ‘The Last Supper’



(AP) – Organisadornan di e Olimpiada di Paris a pidi despensa na cualkier persona cu a sinti ofendi pa e tableau cu a replica Da Vinci su “The Last Supper” durante e ceremonia di apertura glamuroso pero tambe a defende e concepto tras di esaki.

Da Vinci su arte ta mostra e momento unda Jesucristo a declara cu un di e apostenan

lo traicon’e. E escena durante diabierna su ceremonia tabatin e DJ y productor Barbara Butch, un icono di LGBTQ+, rondona pa drag queen y bailarinnan.

Consevationan religioso for di rond mundo a critica fuertemente e segment aki, cu conferencia di obispo di misa catolico Frances declarando cu ta haci bofon di Cristianidad, sentimento cu

ta comparti cu e vocero di Ministerio di Exterior Ruso Maria Zakharova. Anglican Communion na Egipto a expresa tambe “lamento profundo” diadomingo, bisando cu e ceremonia por causa cu IOC por perde su identidad y mensahe humanitario unico.”

E ceremonia su director artistico Thomas Jolly a distancia sue scena di cualkier paralelo cu “Last Supper” despues di e ceremonia, bisando cu esaki tabatin e meta di celebra diversidad y duna tributo na e gastronomia Frances. Paris su vocero di 2024 Anne Descamps a ser puntra tocante e criticanan durante conferencia cu International Olympic Committee diadomingo.

“Claramente nunca tabatin e intencion di falta respet na cualkier grupo religioso. Al contrario, mi ta kere cu Thomas Jolly, tabata kier



realmente celebra e tolerancia di comunidad,” Descamps a bisa. “Mirando e resultado di e encuestanan cu nos a comparti, nos ta kere cu e ambicion aki a ser logra. Si cualkier persona a sinti su mes ofendi, claramente, nos ta pidi un disculpa.”

Jolly a splica su intencion na

The Associated Press despues di e ceremonia.

“Mi deseo ta di ta subversivo, no haci bofon ni shock hende,” el a comenta. “Mas cu tur cos, mi tabata kier manda un mensahe di amor, un mensahe di inclusion y no di division.”

2,000,000

SUMMER

POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again — up to 5X each day

See Players' Club for full rules. Points can be converted to Free Slot Play.



Alhambra
CASINO AND SHOPS

Open daily 10am to 3am | J.E. Irausquin Blvd #47 | 583.5000 | casinoalhambra.com

Bou di awasero torencial

Delegacion Olimpico di Aruba a kick start nan recorido na Weganan Olimpico na Paris

Diabierna ultimo e candel Olimpico a duna inicio na e Weganan Olimpico Paris 2024 oficialmente cu e zonido di bel di Notre-Dame pa prome biaha desde 2019 na momento cu esaki a cende na candela a duna inicio diabierna ultimo na Weganan Olimpico Paris 2024. Aruba mas cu claro manera ta custumber den e ultimo añanan di ceremonia di Apertura ta pone hopi atencion na e trahe cu lo usa durante e ceremonia.

Cu un diseño di Andrew Curiel y ehecuta pa Stay Lay Sastrieria bou coordinacion di Juan Camilo Vasquez di TOTTO a luci un diseño cu e colornan di nos bandera resaltando y e publico rond di e



riu di 'Seine', como tambe e mas cu 1.5 bion persona cu ta mira e transmision via diferente medio di comunicacion por a mira nos delegacion.

Aruba tabata situa den e di tres boto y e delegacion encabesa pa e abandera-donan Chloë Farro y Mikel Schreuders a sa di waya nos bandera durante e recorido di 6km den e boto prome cu a

baha na Trocadero dilanti di Eiffel Toren caminda e famia Olimpico, diferente NOC's y prensa tabata situa.

Aruba su participacion den e Weganan Olimpico a inicia di biaha diasabra caminda Philip Elhage a representa nos isla den e deporte di tiro, disciplina di 10m air pistol.



Philip Elhage no a logra su clasificacion pa final



Despues cu diabierna a duna inicio na e Weganan Olimpico Paris 2024. Awe di biaha Aruba ta inicia cu su participacion den e Weganan y e prome atleta pa mira accion ta Philip El-

hage den e deporte di tiro, 10m air pistol. Presente pa apoy'e tabata su pareha y yiu como tambe e Presidente di COA, Wanda Broeksema, 2do secretario general di COA, Maarten

Willems, Hefe di Mission, Kamilah Dammers y miembro di direccion di deporte, Monica Fajardo.

E deporte di tiro a tuma lugar na Chateauroux, Francia, un ciudad cu ta situa na 3 ora leu di Paris. Pa 10:30 mainta ora di Francia e competencia a cuminsa y e no tabatin un bon start. E prome ronda di 10 tiro Philip no ta logra su mihor puntuacion cu a haci dificil su siguiente 50 tiro. Den e deporte di tiro, e atleta tin 60 tiro pa completa den 1 ora y 15 minuut cual ta pone un presion na momento cu cay atras.

Den e siguiente ronda nan por a mira un Philip mucho mas trankil y logrando un

total di 7x10 punto. En total Philip ta finalisa su competencia cu 554 punto y keda na di 33 lugar. E mihor 8 nan ta esnan cu ta clasifica pa e ronda final cu a tuma lugar diadomingo mainta.

Comite Olimpico Arubano

ta contento y ta agradecido na Philip pa su disciplina, dedicacion y digno representante di nos isla y e curashi demostra durante e ciclo olimpico aki cu a finalisa cu participacion na Weganan Olimpico Paris 2024.



Olimpiada 2024 na Paris; Biles ta domina, Nadal ta avansa y Durant ta yuda Merca gana contra Serbia

(AP) – Simone Biels a haci su regreso hopi anticipa na Olimpiada cu ta tumando luga na Paris y a debuta riba diadomingo, guiando su grupo cualificador apesar di a tin keho di su enkel. Den otro areanan, Rafael Nadal a gana su wegá y ekipo di basketball Mericano a gana contra Serbia.

Merca su number magico: 100

Merca su ekipo di basketball a mehora na 56-0 ora di anota mas di 100 punto.

LeBron James y Kevin Durant ta un 18 combina for di 22 den e Victoria di 110 pa 84 contra Serbia den e wegá di apertura Olimpico pa ambos ekipo.

“Esey tabata e miho wegá cu nos a yega di hunga,” James a bisa despues cu Mericanonan a mehora di 6-0, 1-0 den e torneo cu berdaderamente ta importante. “Kico cu ta cu ta necesario. E ta bay ta un persona diferente tur dia. Y nos tin e tipo di poder aki.”

Nadal ta gana y lo enfrenta Djokovic despues

Rafael Nadal a cuminsa cu un victoria den su wegá solitario na e Olimpiada, ganando su wegá contra Marton Fucscovics den 3 set.

Nadal, ken a surpasa Fuscscovics y a yega 3-2 den e tercer set prome cu mester a tape su dede, a caba cu su oponente ganando cu 6-1, 4-6 y 6-4.

E victoria ta crea un siguiente wegá grandioso entre rival Novak Djokovic den un di

dos ronda na Roland Garros, unda Nadal a gana French Open 14 biaha, cual a kibra e record.

Nadal tambe a gana e wegá di apertura den wegá double diasabra anochi, hungando conhuntamente cu Carlos Alcaraz.

Training na Seine cancela

Diadomingo trempa, e organisadornan a cancela un evento di triathlon prome cu e competencia na Seine a causa di preocupacionnan continuo tocante e calidad di e awa.

Yobida pisa durante e ceremonia di apertura a revivi e miedonan tocante Seine y si esaki lo ta suficientemente limpi pa e landadonan ora cu e competencia di triathlon cuminsa diamars.

Biles ta lidera despues di preocupacion tocante herida

Biles a yega un puntuacion general di 59,566 apesar di a keha di dolor/herida den su pia, unda e no por a cana bon. Biles aparentemente a traha riba su pia mientras e tabata haci ehercicio durante e di dos rotacion. El a tape su enkel y despues a bolbe subi escenario pa duna e tipo di show impactante pa cual e ta conoci caba.

Su coleganan di ekipo Mericano Sunisa Lee a keda den di dos luga y gimnasta Mericano Jordan Chiles a keda den tercer luga.


Coach di Merca Cecile Landi a bisa cu e ta sumamente orguyoso di Biles pero no



a atende específicamente e herida. “Mi no tin palabra pa expresa,” el a comenta. “Mi ta hopi orguyoso di dje y loke el a pasa aden ademas di loke el a demostra mundo cu e por haci.”

E Mericano di 27 aña y e ekipo di Merca pa gymnastics Mericano a subi escenario na Bercy Arena, cual tabata yen di fanaticonan y hasta celebradnan.

Entre e fanaticonan di perfil halto, e celebradnan, tabata Tom Cruise y Jessica Chastain. Snoop Dogg tabatin asiento den prome fila mientras cu Greta Gerwig, Ariana Grande, Cynthia Erivo, John Legend cu Chrissy Teigen, Nick Jonas y Anna Wintour tambe a atende Biles su competencia.



Oficialnan di Paris tin confiansa cu calidad di awa lo mehora pa laga atletanan landa den Seine

(AP) – Manera a informa, e training pa e porcion di landamento pa e triathlon Olimpico a keda cancela diadomingo a causa di preocupacionnan tocante e calidad di awa na Seine, sinembargo e oficialnan di Paris ta bisa cu nan tin confiansa cu e triatletanan lo por landa den e riu conoci durante e eventonan oficial durante e siman binidero.

E triathlon di hende homber ta den schedule pa tuma luga diamars, mientras cu e muhenan tin cu compete di-aluna. E triatletanan mester tin un chens pa familiarisana nan mes cu e curso diadomingo, pero e organisadornan a bisa cu nan mester a cancela e porcion di landamento despues cu autoridadnan di World Triathlon, e ciudad y regional a reuni cu demas entidadnan cu ta tuma decision pa trata e testnan di



calidad di awa.

E calidad di awa na Seine ta cercamente relaciona cu e tempo. Despues di yobida pisa diabierna y awasero cu a continua diasabra, a tuma e decision di cancela e test. Cu practicamente ningun yobida den pronostico pa e dianan

binidero, e oficialnan a bisa cu nan ta premira cu e atletanan lo ricibi e experiencia unico di compete den Seine.

“Nos a mira cua ta e dinamica di Seine durante e ultimo simannan y esey ta loke ta duna nos e confiansa,” alcalde diputado di Paris Antoine



Guillouli a bisa na un conferencia di prensa diadomingo.

Despues di yobidanan similar den pasado, e calidad di awa a bolbe nivelnan safe dentro di 24 pa 48 ora. E organisadornan Olimpico a comparti e declaracionnan y confiansa di e oficialnan di Paris.

“Te ainda nos tin tur confiansa cu e pronostico cu den e proximo 48 ora, e calidad di awa lo mehora,” vocero Anne Descamps a bisa. “Danki na tur e trabao cu nos stakeholders publico a haci, nos a mira e calidad di awa di Seine mehora significamente.”

Shanayah Howell a completa su prome entrenamiento riba e pista di BMX algun dia prome cu competencia

Despues di yega diasabra ultimo na Paris, Francia. Ayera hunto cu coach Pedro Estaba, Shanayah Howell a presenta na e BMX Track na Saint-Quentin-en-Yvelines p'asina cera conoci cu e pista y despues keda en espera na momento cu e pista a wordo habri

p'asina por inicia cu su entrenamiento anochi na Paris.

Den e siguiente dia nan e entrenamiento ta continua y su competencia mes lo cuminsa dia prome (1) di augustus pa 8or di anochi orario di Francia.



Hungado di volleyball Hulandes cu a ser condena di violacion a perde su prome wega Olimpico

(AP)—Steven van de Velde, e hungado Hulandes di beach volleyball cu a sirbi sentencia den prizon pa violacion di un mucha muhe di 12 aña, a ricibi un mixto di boo y aplauso ora el a ser introduci prome cu perde su wega di apertura ayera na e Weganan Olimpico na Paris.

Van der Velde no a papia cu reporteronan despues di e perdida contra Italia. “E no ta aki pasobra e kier descansa su mente y djis enfoca riba e wega,” segun compaño

Matthew Immers, ken a bisa cu e no a nota e reaccion di e audiencia.

Vocero pa e ekipo Hulandes John van Vliet a bisa cu e decision pa shelter van de Velde a ser haci pa e comite Olimpico nacional y comparti cu e International Olympic Committee. Ora a puntr'e si nan tabata protegiendo un violador condena, el a bisa: “Nos ta protehendo un violador di mucha condena pa haci su deporte lo mas miho posible y pa un torneo pa cual el a cualifica.”

Van de Velde a ser condena na 2016 pa via di viola un mucha muhe di 12 aña na Inglatera. El a sirbi 13 luna den prizon na ambos Britania y Hulanda.

E atleta di 29 aña a enfrenta un cantidad di boo ora el a aparece pa warmup, pero e canto di e audiencia tabata mas duro pa e introduccion formal prome cu wega. Immers—y tur e otro hungadonan apareciendo riba santo te awo—a ricibi solamente aplauso.



Tecnologia por yuda resolve crisis di falta di vivienda na Los Angeles? *Haya shelter por ta un click leu algun dia*

(AP) – Biyones di dollar a ser inverti den esfuerzo pa personanan cu no tin cas y pa saca nan for di caya na California, sinembargo sistemanan di computer anticua yen di data erroneo no por provee informacion basico manera unda tin un cama di shelter habri, falta di eficiencia por causa consecucionan pisa.

E problema ta specialmente agudo na Los Angeles, unda mas di 45,000 persona, hopi cu ta sufi di problema mental serio, adiccion na substancia of ambos, ta biba den gruponan cu a plama den practicamente cada barrio y unda cantidad di RV bieu ta cubri henter parti di un barrio.

Te hasta den e estado cas di Silicon Valley, tecnologia no a mantene su mes na mesun nivel cu e crisis andando pa hopi tempo caba. Den tempo unda cualkier persona por reserva un camber di hotel of huur un vehiculo cu algun accion riba celular, no ta existi un sistema cu ta provee un lista comprensivo di unda tin shelter cu cama disponibel na Los Angeles, cas di 1 den cada 5 persona sin cas na Merca.



Mark Goldin, hefe di tecnologia na Better Angels United, un fundacion, a describe Los Angeles su tecnologia como “sistgemanan cu no ta papia cu otro y tin falta di data berdadero, nungun persona riba e mesun pagina sa kico ta real y kico no ta real.”

E sistemanan no por contesta “exactamente cuanto persona tin riba caya na cualkier momento. Unda nan ta?” el a bisa.

E mehoracion aki por nifica pa e personanan cu ta riba caya si nan lo drumi pafo un dia mas of no, un diferencia cu por menasa nan bida.



“Nan no ta dunando e servicio na e personanan na un momento unda e personanan aki tin mester di dje of ta mentalmente cla pa acepta esaki,” Adam Miller, negociante di tecnologia y CEO di Better Angels a bisa.

E problemanan tabata cla na sitionan sushi manera Silver Lake, unda Sara Reyes di SELAH Neighborhood Homeless Coalition a lidera boluntarianan cu a duna awa, meja y cuminda na e personanan aki, incluyendo un cu aparentemente tabata inconsciente.

El a duna tambe postcard cu a adres di un misa cercano unda e coalicion ta duna cuminda cayente y servicionan.

Pa fin di e bishita, Reyes a cuminsa skirbi nota riba su telefon, cual despues lo ser hinca den un spreadsheet di e coalicion y eventualmente copia pa ser hinca den un base di dato federal. “Cualquier momento cu bo move di un media pa otro, bo por perde data. Nos sa cu no semper nos tin e informacion completo,” Reyes a bisa. “E victimanan ta e personanan na ken e sistema mester brinda servicio.”

E tecnologia a bira pio mientras cu e poblacion sin cas a aumenta. Algun ta puntra con bo por combati e problema sin data confiabel pa sa con grandi e bista ta? Un recuento anual

di e personanan cu ta biba riba caya a mira un disminucion chikito den e poblacion, sinembargo algun experto ta cuestiona con berdadero e data ta y e gruponan aki por ser mira practicamente tur caminda. Alcalde di Los Angeles Karen Bass a señala e partinan unda e tecnologia no ta apto entre e obstaculonan cu e ta enfrenta den programanan pa e personanan aki y a describi e ciudad su esfuerzo como poco poco pa atende e crisis, y a yama esaki “construi un avion mientras bo ta bulando e tambe.”

El a bisa anteriormente e aña aki cu 3 pa 5 persona sin cas ta fayece tur dia riba cayanan di Los Angeles.



Apple a yega na su prome contract di sindicato cu empleadonan di tienda na Maryland

(AP)—Apple a yega na un contract colectivo cu e prome tienda di compania sindicalisa den e pais.

The International Association of Machinists and Aerospace Workers’ Coalition of Organized Retail Employees, cual ta representa e empleadonan na un tienda na Maryland, a anuncia diabierna anochi cu el a yega na un acuerdo di tres aña cu e compania cu lo aumenta salario pa un averahe di 10 por ciento y ofrece otro beneficio na empleadonan.

E acuerdo mester ser aproba pa



aproximadamente 85 empleado na e tienda, cual ta localisa den e bario di Towson, Baltimore. Un voto ta plania pa dia 6 di

augustus.

“Por medio di yega na un acuerdo tentativo cu Apple, nos ta

dunando nos miembronan un bos den nan futuro y un prome stap fuerte pa mas beneficio,” segun e comite di negociacion di e sindicato a bisa den un declaracion. “Hunto nos por construi riba e exito aki den cada tienda.” E acuerdo a bin despues cu trahadonan na e tienda a autorisa un welga na mei, bisando cu negociacionnan cu management pa mas cu un aña no a duna “resultadonan satisfactorio.”

E tienda na Maryland ta un di e unico dos tienda di Apple sindicalisa den e pais. Emplead-

onan eynan a vota en favor di e sindicato na juni 2022, algun luna prome cu empleadonan na un otro tienda di Apple den Oklahoma City, a sindicalisa cu e Communications Workers of America. E segundo tienda no a sigura un contract cu e compania.

Sindicatonan a haya victorianan electoral durante e ultimo añanan, incluyendo na un warehouse di Amazon na New York, un tienda di Chipotle na Michigan y centenares di tienda di Starbucks den e pais. Pero hopi di nan no a sigura contract ainda.

Accidente pa falta di preferencia na crusada Awakatistraat cu Avenida Milio Croes

Diahuebs merdia a drenta informe di un accidente na crusada Awakatistraat cu Avenida Milio Croes, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Chevrolet Tracker bieniendo den Awakatistraat no a duna preferencia na e

Hyundai Tucson biniendo riba e caminda di preferencia y nan a dal den otro. Afortunadamente ningun hende a resulta herida.



Chauffeur no a regula su velocidad ni a mantene distancia y a bay dal tras di e auto su dilanti

Diahuebs atardi a drenta informe di un accidente na Macuarima, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un pick-up no a regula su velocidad ni a mantene distancia a bay dal tras di e Nissan Cube. Afortunadamente ningun hende a resulta herida.



Chauffeur no a regula su velocidad ni a mantene distancia y dal tras di auto na Bushiri



Chauffeur saliendo for di rotonde a dal un Tucson y mand'e dal auto staciona



Diahuebs mainta a drenta informe di un accidente dilanti di Superfood, mesora a dirigi patruya na e sitio.

Na yegada di e patruya a bin

compronde cu e chauffeur di un Hyundai Getz coriendo cu velocidad halto saliendo for di e rotonde a bay banda robes di caminda dal un Hyundai Tucson kibra su wiel di patras

y a mand'e halto bay dal un Kia Cerato staciona. Aunke no tabata tin hende herida e rapid responder di ambulans a presenta y a controla esnan envolvi.



Diahuebs mainta a drenta informe di un accidente na Bushiri, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur

no a regula su velocidad ni a mantene distancia a bay dal tras di e auto su dilanti. Pa colmo niun di 2 chauffeur tin rijbewijs. Afortunadamente ningun hende a resulta herida.

Polis a bay un accidente cu auto di "rijles" envolvi

Diahuebs mainta a drenta informe di un accidente na e rotonde banda di F.C.A., mesora a dirigi un patruya na e sitio.

Na yegada di e patruya a bin

compronde cu un otro auto a bay dal riba un auto di "rijles" cual tabata ser conduci pa un alumno hayando su les di practica. Afortunadamente e daño tabata minimo y ningun hende a resulta herida.




Accidente riba E.J. "Watty" Vos blvd

Diabierna anochi a drenta informe di un accidente riba E.J. "Watty" Vos blvd. Mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur no a regula su velocidad ni a mantene distancia a bay dal tras di e auto su dilanti. Na prome instante a informa cu tin hende herida pero a cancela esaki despues.



Durante un control den e area hotelero a haya un Colombiano ilegal coriendo auto



Diabierna mey anochi polis a ricibi informe di cu tin un auto coriendo den forma irresponsabel den e area hotelero na Palm Beach, mesora unabes polis a topa e auto a para esaki y control'e.


A bin resulta cu e chauffeur ta un Colombiano cu no tin papelnan na ordo pues polis a deten'e y a hib'e Warda Nos Costa pa revisa su permiso.



Ladronnan a destrui vitrina di barbershop

Diabierna madruga durante patruya polisnan atento a nota vitrina di un barbershop destrui ta trata aki di Alex Barbershop den Caya G.F. "Betico" Croes.

Polis a controla y a nota cu aki ta trata unicamente di un destruccion polis a warda pa mainta habri y tuma e keho ora e doño presenta.



Motociclista a presenta na Centro Medico y mester a bay cu urgencia pa hospital

Diabierna madruga a drenta informe di cu un motociclista herida a presenta na Centro Medico na Imsan cu hopi dolor,

mesora nan a atend'e y a ripara cu su lesion ta mas serio cu locual a mostra.

Dokter eynan a bisa cu e

mester bay cu urgencia pa hospital. Ambulans a presenta y a hib'e cu urgencia pa hospital pa atencion medico.

Accidente semi frontal cu 2 chauffeur herida debi na yobida



Diabierna mainta a drenta informe di un accidente semi frontal na Pos Abao, mesora a dirigi tanto polis como ambulans na e sitio. E ambulans cu tabata staciona na Sasaki a yega prome na e sitio.

Na su yegada debi na e yobida a haya ambos chauffeur herida den un di autonan y

a atende ambos chauffeur y a hiba nan pa hospital. Na yegada di e patruya a bin compronde cu aki ta trata di un accidente semi frontal unda debi na e yobida e chauffeur di e Chevrolet Aveo a bay banda robes y a dal semi frontal riba e van di Kini Kini tours y ambos chauffeur a resulta herida.



Homber a yama bisa muhe cu e ta bay mat'e y tabata den vecindario

Diasabra madruga a drenta informe di un dama cu a yama polis pasobra un homber a yam'e pa bis'e cu e ta bay mat'e, y e muhe a bisa polis cu e homber ta cerca den Sombre, mesora a dirigi patruyanan na e sitio.

Na yegada di e patruya a e muhe a conta polis cu e homber a yam'e menas'e cu morto y cu e homber ta cerca. Polis a controla den e area pero no a encontra cu e homber. Polis a avisa e muhe pa si acaso e mira e homber pa yama nan mesora y cu nan lo keda den e area.



Mainta tempran mucha muhe di 5 aña su so a sali f'ey cas den yapon

Diasabra mainta tempran a drenta informe di cu tin un mucha muhe di 5 aña su so riba caya na Montaña, mesora a dirigi un patruya na e sitio.

Na yegada di e patruya a bin encontra cu e mucha aki. Polis a bay cu e mucha na e adres unda a logra saca afo cu e mayor a sali hiba e casa trabao y mucha tabata drumi. Despues el sali for di e cas bay riba caya. Na cas tabata tin e ruman homber, polis a papia cune y a keda di pasa bek pa papia cu e mayornan.



Polis a para un auto cu tabata core malo y e chauffeur a haya un boet

Diabierna anochi a drenta informe di cu tin un auto coriendo malo riba e caminda principal di Oranjestad pa San Nicolas, mesora a dirigi patruyanan pa para esaki.

Ta te na altura di Marinierskazerne a logra para e auto aki. Polis a duna e chauffeur un boet.



Ladron a horta mas di 700 florin cash f'ey un cas na San Barbola Complex



Diasabra mainta a drenta informe di un caso di ladronia for di un cas na San Barbola Complex, mesora a dirigi un patruya na e sitio.

Na yegada di e patruya a bin compronde cu di un manera of otro ladron a pasa man pa mas di 700 florin cash. Polis a tuma e keho y a pasa e investigacion pa recherche.

Na Aruba tin awor 3 stranhero ilegal cu ta adicto ambulante riba caya



Ultimamente a bira conoci cu tin 3 stranhero ilegalmente na Aruba cu no tin caminda pa keda y ta adicto ambulante, nan no tin famia aki na Aruba y a cuminsa bira un molester cu nan ta pidi placa hasta na turistanan den Oranjestad.

Nan ta drumi unda cu ta

y ta molestia. Polis a haya cantidad di asistencia pa bay atende cu nan. Polis a hiba nan Warda Nos Costa pero aparentemente no tin placa pa paga pasashi pa nan regresa nan pais bek. E situacion aki no por keda asina y mester saca nan lo mas pronto posibel for di Aruba. Sea gobierno of Consulado mester tuma un decision.

Nos hobennan a sobresali cu nan talento
y creatividad durante e final competencia
hubenil Gang di Arte Aruba 2024



E ganadonan lo participa y sigui demostra nan talento durante aña den actividadnan local y den exterior. E grupo ganador Superstars lo repre-



a demostra nan talento
den Baile, Teatro, Musica,
Arte Visual, Audio Visual y
Arte di Palabra despues di
a participa na varios tayer
riba diferente disciplina e

[illegible]

Departamento di Cultura
por wak atras riba un Gang di
Arte, Dream Dare Do 2024
exitoso na unda nos hoben-
nan a sobresali demostrando
nan talento y creatividad y
esaki sigur ta sigui habri e
caminda pa nan sigui educa,
desaroya y amplia nan talen-
to den e disciplina di Baile,
Teatro, Musica, Arte Visual,
Audio Visual y Arte di Pal-
abra.





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Cruz San Nicolas
Tel. 585 8028 Tel. 584 5712

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Gizmo a perde na Las Vegas den 2015; 9 año despues el a ser haya bibo



AP) – Judith Monarrez a zak riba vloer na yoramento ora cu e noticia a yega su email: Gizmo, su cacho cu tin mas di 9 año perdi, a ser haya bibo.

Monarrez tabatin 28 año y tabata biba cu su mayornan den 2015 ora cu Gizmo, di apenas 2 año, a haya manera di pasa door di e porta di nan cas na Las Vegas.

E decada cu a bini despues a trece hopi cambio. Monarrez, ken awo tin 37 año, a muda y ta biba den su propio cas, tin su master's den Ingles y a cuminsa duna les den educacion halto. Sinembargo durante e ananan, Monarrez a bisa cu nunca el a stop di purba haya Gizmo.

Awo, e tabata drentando su auto pa stuur na otro barrio pa topa Gizmo na un hospital di bestia. Monarrez a ser bisa cu un muhe a haya e cacho, cu awo tin 11 año y a hib'e

veterinario, unda el a scan su microchip y esaki a manda e notificacion na Monarrez.

Dentro di oranan despues di a ricibi e email aki, Gizmo tabata back den man di su mama. Monarrez a yama esaki "un milager."

"Mi ta asina contento cu mi a registra su microchip." Su reunion a bini na mesun tempo unda e ordenansa di Las Vegas ta stipula cu tur doño mester microchip su mascota cuminsando for di dia 1 di augustus.

Pronostico di tempo

Tempo:

Awe tardi y awe nochi:
parcialmente nubla y
generalmente seco

Den marduga y mañan:
temporalmente hopi nubla
cu un awasero breve

Temperatura maximo 33
grado celsius
Temperatura minimo 28
grado celsius

Indice di calor (heat index) den y rond di oranan di
merdia: 34 pa 38 grado celsius
UV index: 12

Bahada di solo : 7:07 pm
Subida di solo : 6:25 am

Biento:

Moderate te basta fuerte for di generalmente direccion
oost;
Forsa 4 te 5 (20 te 39 km/ora, 11 te 21 nudo).
Durante di dia fuerte te duro den rafaga;
Forsa 6 te 7 (40 te 61 km/ora, 22 te 33 nudo)

Situacion general di tempo pa proximo 24 ora:
Actualmente no tin disturbio di importancia cu por
afecta clima local. E nivelnan abou di humedad den
region local lo stroba e desaroyo di mayoria di nubia
cu por produci awasero. Esaki lo mantene clima
generalmente seco. Concentracion varia di e stof di
Sahara den region lo stroba visibilidad y trece aire di
calidad poco abou. Personanan cu tin sensibilidnan
respiratorio mester tene cuenta cu esaki.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil te modera rond di 2 pia.
Na partinan oost te noordwest di costa: Generalmente
modera cu olanan alrededor di 3 pa 5 pia



TA BUSCA

Kairo's Cars Oil's Services
ta busca

**"Automonteur y
Schoonmaakster"**

Por yama na
Tel. 567 3653

218202

TA BUSCA

Spa Kundalini
ta busca

"Massage Therapist"

Por yama na
Tel. 745 7983

218201

TA BUSCA

Abeso Roofing
& Contractors
ta busca

"Dakdekkers"

Por yama na
Tel. 593 9536

218148

BONDIA
ARUBA

Pa AVISO den nos Corant
aviso@bondia.com


Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:

Khloë Alexandra Heronimo
Cariñosamente yama:
“Koko”
*12-12-2007 -
†19-07-2024



Na number di su:

Mama: Kimberly Maduro
Tata: Joselito Heronimo
Padrasto: Elton Maduro

Rumannan:

Kyandra Maduro, Kimy-lienne Maduro, Joseanny Heronimo

Stiefzus: Zaynah Maduro,

Wela y Welo:

Ivelisse Sanchez y Jose R. Kock
Wela stima: Mama (Fea) Dirksz
Welo: †Jossy y Lourdes
Wela di cariño Trudy Hasel

Bisawela y Bisawelo:

Catharina (Jeja) Tromp-Sanchez y Carlos (Jejo) Sanchez.
†Catrien Dirksz

Tanta y omonan:

Stephanie Kock y Dalbert Pujols
Rose-Ann Kock y Aigel Brete
Jiandra Kock
Reynaldo Sanchez y Eric Arends
Alexander Solarte Tovar
Sharline Buckley
Jeanine Rodriquez
Marina Heronimo
Josmar Heronimo y famia
José Heronimo y famia
Jermaine Heronimo
Jaymir Heronimo
Tanchi mama, Jaja y Dess

Tanta grandi: Pechi y Mai, Chichi y famia

Omo grandi: Ruben y Sora, Ricky y Gina Croes

Mihor amiga: Jeande, Shardy

Prima y Primo: Kayla Solarte Tovar y Shayna Pujols, Aiden Brete y Alliyen Brete, Ivan Amaya y Alexandra, Maelyh Heronimo, Marajah Heronimo, Shandrik Wanga

Famia: Kock, Heronimo, Maduro, Dirksz, Tromp, Briesen, Briezen, Ruiz, Semeler, Sanchez, Solarte Tovar, Brito, Buckley, Henriquez, Brete, Martinez, Pujols, Loopstok, Croes, Maduro, Growell, Ras, Starke, Eckmeyer, Krozendijk, Lopez, Gonzalez, Geerman, Kelly, Villanueva, Vrolijk, Solognier, Wolff

Disculpa nos si den nos tristesa nos por a lubida algun famia, amigo of conoer.

Ta invita pa e acto di entierro cu lo tuma lugar diamars 30 di juli 2024 na misa Inmaculada Concepcion di 2:00 pa 4:00 pm, despues nos lo hiba “Koko” pa Santana de Vries na Sta Cruz.

Ta pidi pa bin bisti na colornan alegre y depues di entierro no ta ricibi Bishita na cas.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Swindo Miguel Martha
Ex Trahadador di DOW
*17-06-1937 - †23-07-2024

Na number di su:

Yiunan: Eugene Martha
Charissa Martha
Erwin y Piedad Martha
Robert y Cobita Martha

Mama di su yiunan: †Lydia Maduro

Nieto(a)nan: Ryan, Urwin, Gilbert, Kimberley, Christopher, Chryslène, Edrian, Aidan, Latisha, Lydienn

Tur bisanieto y bisanietanan na Aruba y Hulanda

Rumannan: †Akilo Martha

Prima y primonan stima na Corsow, comper y comernan

Bon amigo: Freddy (Fefe)

Famia y conoeranan: Martha, Lucas, Albertus, Damon, Martina, Sambo, Kelly, Pieters, Maduro, Orman, Quandus, Hamen, Dijkhof, Andrea, Jansen, Brown, Lacle

Trahadornan y habitantenan di H.O.P.E. & Happy Daycare

Acto di entierro lo tuma lugar diamars 30 di juli 2024 na Aurora Funeral Home di 09:00 pa 11:00 di mainta, despues lo sali pa Santana central na Sabana Basora.

Disculpa nos si den nos momentonan di tristeza nos por a lubida di menciona algun famia.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loka ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu inmenso tristesa nos ta anuncia fayecimento di nos ser stima:

Sra.
Emerita R.
L. Croes
*03-03-1960
- †26-07-
2024



Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo mi ta
banda
di boso Curazon, mi por stens di loka Señor ta hasi”
Salmo 33

Ta anuncia fayecimento di:

Palmira de
Cuba
Vda. di Carol
F. Moore
*06-05-1939 -
†20-07-2024




Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

Cu dolor na nos curason, nos ta anuncio fayecimento di nos ser stima:

**Sue-Laine Mary-
Anne Luciënné
Tromp-
Henriquez**
cariñosamente
yama “Sully”
*09-05-1996 -
†20-07-2024



Acto di entierro lo wordo anuncia despues

Italia y China ta firma plan di accion mientras lider Italiano Meloni ta purba mehora relacion


(AP)—Italia y China a firma un plan di accion di tres aña ayera pa implementa acuerdonan di pasado y experimenta cu forman nobo di cooperacion, segun e prome minister Italiano Giorgia Meloni a bisa durante un bishita oficial pa e capital Chines.

Meloni ta purbando di mehora relacion cu China como cu miedo pa un guera comercial cu Union Europeo ta entrelasa cu continuo interes pa atrae inversion Chines den fabricacion di auto y otro sectornan. “Sigur nos tin hopi trabao pa haci y ami ta convenci cu e trabao aki por ta beneficioso durante un fase complica riba nivel global, y tambe importante riba nivelnan multilateral,” el a bisa den un declaracion na comienso di e reunion cu prome minister Chines Li Qiang.

Su bishita di cinco dia ta bin algun luna despues cu Italia a sali for di e China’s Belt and Road Initiative, un politica signatura di lider Chines Xi Jinping pa construi infraestructura di transportacion y poder rond

mundo pa stimula comercio global mientras tanto tambe profundizando e relacion di China cu otro nacionnan. Asina mes, Italia ta keda dispuesto pa persigui un relacion economico fuerte cu China. Stellantis, un fabricante di auto cu ta inclui e Fiat di Italia, a anuncia na mei cu el a forma un ventura conhunto cu Leapmotor, un compania Chines nobo di vehiculonan electrico (EV), pa cuminsa bende nan den Europa. Li, adresando lidernan empresario Chines y Italiano despues di e reunion cu Meloni, a bisa cu e empuhe di China pa mehora su economia lo aumenta demanda pa productonan di calidad halto, expandiendo oportunidadnan pa cooperacion entre companianan di nan dos pais.

El a priminti pa habri e mercado Chines mas, sigurando cu companianan stranhero haya e mesun tratamento cu esnan Chines y crea un ambiente empresario transparente y predicable, respondiendo na kehonan tendi frecuente for di negoshinan operando den e segundo economia mas grandi



na mundo.

“Na mesun momento, nos ta spera cu e banda Italiano lo traha cu China pa provee un ambiente empresario mas husto y no discriminatorio pa companianan Chines conduciendo negoshi na Italia,” el a bisa.

Meloni a conta e lidernan empresario cu e dos banda a firma un memorandum di colaboracion industrial cu ta inclui vehiculonan electrico

y energia renovable, cual el a describi como “sectornan unda China ta operando riba e frontera tecnologico pa algun tempo...y ta compartiendo e fronteranan nobo di conocimiento cu partnernan.”

Vehiculonan electrico tambe a bira un simbolo di tension creciente entre comercio Chines y di UE, cu UE imponiendo tarifanan provisional di te cu 37.6 porciento riba vehiculo-

nan electrico fabrica na China na comienso di juli. E dos banda ta teniendo discusionnan pa purba resolve e asunto pa un deadline comienso di november.

Mientras tanto, China a lansa un investigacion anti-dumping den exportacionnan di porco Europeo, algun dia despues cu UE a anuncia cu e lo impone e tarifanan riba EV Chines. Meloni, ken a yega Beijing diasabra ultimo, ta haciendo su prome biahe pa China como prome minister. El a tene reunionnan cu Li den pasado, reuniendo na New Delhi september aña pasa durante e cumbre di G-20, cual ta trece lidernan di 20 nacion hunto.

Ta parece cu e decision di Italia pa participa den e Belt and Road Initiative na 2019 tabata un rebeldia politico pa China, dunando e caminda pa drenta Europeo occidental y un sosten simbolico den loka tabata un guera comercial cu Merca. Pero Italia ta bisa cu e beneficianan economico priminti no a materialisa, y su miembresia a crea tension cu otro gobiernonan Europeo y Merca. .

Putin ta priminti “medidanan identico” den respuesta pa misilnan Mericano na Alemania



(AP)—Rusia por desplega armanan nobo como respuesta riba e stacionamento plania di misilnan hipersonico y di distancia largo Mericano na Alemania, segun presidente Ruso Vladimir Putin a bisa ayera.

Papiando na e parada marina na St. Petersburg, Putin a priminti “medidanan identico” despues cu Merca a anuncia na comienso di luna cu e lo cuminsa desplega e armanan na 026, pa afirma su compromiso na NATO y defensa Europeo despues di e invasion di Rusia riba Ucrania na februari 2022. “Si Merca implementa plannan asina, nos lo considera nos mes

liber for di e moratorio unilateral imponi riba e desaroyo di armanan di distancia intermedio y cortico, incluyendo aumento e capacidad di forsanan costero den nos armada,” Putin a bisa. El a agrega cu e desaroyo di Moscu di sistemanan adecua ta “den su ultimo etapa.” Ambos Washington y Moscu a señala den e ultimo simannan nan preparacion pa desplega armanan cu a ser prohibi pa varios decada bao di e tratado Mericano-Sovietico. Merca a sali for di e acuerdo na 2019, acusando Moscu di conduciendo testnan misil cu a viola esaki. E acusacionnan, cual Rusia a nenga, a bin mientras tension a

aumenta entre Moscu y e West na durante e deribacion di un avion comercial cargando 298 hende riba Ucrania. Ultimamente a condena dos Ruso y un Ucrainiano pro-Rusia pa nan rol den e atake.

Washington y Berlin a bisa den un declaracion conhunto e luna aki cu e armanan Mericano cu lo ser staciona na Alemania lo ultimamente inclui misilnan SM-6, misilnan Tomahawk y “armanan hipersonico”, incluyendo esnan cu por yega na distancianan mas largo compara cu esnan cu actualmente a ser desplega den Europa. Mayoria di e sistemanan misil di Rusia ta capaz di cargando sea warheads convencional of nuclear. E voce-minister di Asunto den Exterior, Sergei Ryabkov, a bisa siman pasa cu Kremlin no a descarta despliegue di misilnan nuclear como respuesta riba e movida di Merca.

Ryabkov a agrega cu pa defende Kaliningrad, e exclave militar situa entre miembronan di NATO Polonia y Lituania, tabata un preocupacion particular.

Pa varios aña Putin a pinta e despliegue Mericano di infraestructuranan misil den Europa como un movida agresivo diseña pa stroba e capacidadnan di Moscu. E noticia tocante e stacionamento plania di armanan nobo na Alemania

a bin durante un cumbre di NATO na Washington na comienso di luna. Na e mesun evento, aliadonan a anuncia cu un base nobo na Polonia ta cla pa drenta operacion y lo ta capaz di intercepta misilnan balistico.



Land Seair Cargo & Trade N.V.

Ta anuncia fayecimento di:

Swindo Miguel Martha

Tata di nos colega
Erwin “Tula” Martha

Na nomber di staff y personal di Land Seair Cargo & Trade N.V. ta manda palabra di sincero condolencia y hopi forza na nos colega Erwin Martha y famia.

Cu sr. Swindo sosega na paz.

Francia ta renoba promesa pa defende libertad di nabegacion mientras e ta demostra fighter jet na Filipinas

(AP)—Francia a renoba un compromiso pa yuda defende libertad di nabegacion y sobrevuelo den e Pacifico Asiatico ayera y a bisa cu su fighter jetnan supersonico—un par di cual a aterisa pa prome biaha na Filipinas—y poder militar avansando lo permiti e responde rapidamente na cualkier crisis humanitario of di seguridad den e region.

Francia tambe ta trahando pa conclui rapidamente un pacto di defensa cu lo lag'e desplega un cantidad mas grandi di forsan pa participa den ehercicionan conhunto na Filipinas, segun embahador Frances pa Manila, Marie Fontanel, a bisa.

Francia a move pa engrandecere su participacion defensivo den e region Indo-Pacifico, incluyendo cu Filipinas y otro nacion den Asia Sureste. Esey ta conecta cu e esfuerso di e administracion di presidente Filipino Ferdinand Marcos Jr. pa aumenta e defensa teritorial di e pais por medio di laga un presencia mas grandi di e ehercito Mericano den Filipinas bao di un acuerdo di defensa na 2014 y por medio di construi aliansanan di seguridad cu nacionnan Asiatico y Occidental mientras e ta atendiendo cu e accionnan cada bes mas agresivo di China den e South China Sea.



Un mision anual di forsa aereo Francia yama Pegase, cual ta demostra su poder di combate y ta biaha pa paisnan amistoso pa asina fortalece relacionnan defensivo, a yega durante weekend pasa na e base aereo Clark, un parti di loka tabata e base di e U.S. Air Force, norte di Manila, cu dos fighter jet Rafale construi na Francia y un carga di forsa aereo y aeronave di transportacion.

E forsa aereo Frances a bula cu

un grupo chikito di reporteronan, incluyendo esnan di AP, abordo un Airbus A400M nave riba awanan Filipino ayera pa demostra su capacidad crucial pa aborda recargamento aereo. Pero turbulencia a causa pa e ehercito Frances bandona e maniobra pa motibonan di seguridad.

E staff di forsa aereo Filipino tambe lo haya e chens pa bula abordo di e jetnan Rafale y familiarisa nan mes cu e aereo-

nave. E fighter jetnan tabata un bon agregacion, segun Brig. Gen. Guillaume Thomas di e forsa aereo Frances.

“Nan ta laga nos bay hopi leu y hopi lihe y pa por reacciona hopi lihe...den caso di un crisis humanitario of hasta un crisis di seguridad,” Thomas a bisa. “Nos por desplega forsan for di Francia pa ta den e area aki den e Pacifico den un tempo cortico.”

E mision di forsa aereo Frances “no ta diseña pa target un pais specifico of cualkier situacion specifico” y no tin e meta pa escala tension regional, Fontanel a bisa.

Francia y Filipinas a cuminsa cu discusionnan preliminar tocante un acuerdo cu lo provee un framework legal y permiti tropanan for di cada pais pa tene ehercicionan den e teritorio di e otro. Francia a haya tarea pa completa un version preliminar di e acuerdo pa september cu lo ta e fundeshi di mas discusion den futuro, Fontanel a bisa.

Na banda di Francia, Filipinas ta teniendo reunionnan separa cu Canada y New Zealand pa acuerdonan asina. El a firma un pacto similar cu Hapon na comienso di luna aki. China a critica e acto aki y tambe e ehercicionan militar cu Merca na Filipinas, bisando cu Filipinas ta “aliando” cu otro pais pafo di Asia, y a adverti cu e ehercicionan militar lo instiga un confrontacion y stroba estabilidad regional.

Oficialnan militar di Filipinas a descarta e critica di China, bisando cu e ehercicio- y aliansanan ta diseña pa aumenta e defensa teritorial di Manila y no ta dirigi na cualkier pais en particular.

Reformista ta tuma over como presidente di Iran despues cu lider supremo ta ofrece sosten

(AP)—E lider supremo di Iran a ofrece sosten formalmente na Masoud Pezeshkian como presidente ayera, permitiendo e politico reformista pa tuma encargo di e pais debilita pa sancionnan economico debi na su programa nuclear.

Durante un ceremonia di promocion, Ayatollah Ali Khamenei a urgi Pezeshkian pa priorisa bisiñanan, nacionnan Africano y Asiatico, como tambe paisnan cu a “apoya y yuda” Iran den politiconan di relacion exterior di Tehran.

Khamenei a critica e Organizacion di Nacionnan Uni (ONU) pa “comporta malo cu nos” por medio di adopta sancionnan, un embargo di azeta y pa bati alarma na supuesto violacionnan di derecho humano.

Tambe el a condena Israel pa su accionnan na Gaza den e mortonan di mucha chikitanan, hende muhe y hende hospitalisa “cu no a tira ni un bala” contra forsan Israeli. Tambe el a denuncia e Congreso Mericano pa permiti prome minister Israeli Benjamin Netanyahu pa presenta adres na e cuerpo legislativo.

Papiando na e mesun ceremonia, Pezeshkian a duna homenahe na Gen. Qassem Soleimani, e arkitecto di actividadnan militar den e region, ken a ser asesina den

un atake di drone di Merca na 2020. El a reitera su prome pa persigui un politica “constructivo y eficiente”, mehora e regla di ley, ofrece oportunidad igual pa ciudadanonan, apoya famianan y proteha e medio ambiente.

Den su prome acto den oficina, Pezeshkian a apunta Mohammad Reza Aref como su prome vice-presidente. Aref, ken ta considera un reformista modera, a tene e posicion entre 2001-2005 bao ex-presidente Mohammad Khatami.

Pezeshkian ta tumando over for di predecesor Ebrahim Raisi di ken su morto na mei den un accidente di helicop- ter a resulta den un eleccion adelanta. E lo ser hura pa oficina mañan y lo tin dos siman pa forma su mesun gabinete pa un voto di confiansa den



parlamento.

E presidente Irani nobo a priminti den su campaña electoral cu e no lo trece cambianan radical na e teocracia Shiite di Iran, aceptando Khamenei como e arbitro final den tur asunto di estado. Pezeshkian por dobla e politica di asunto den exterior di Iran pa sea confrontacion of colaboracion cu e West y ta enfrenta un reto di figuranan cu ainda tin control den gobierno.

